



10687

碩園詩稿卷二十二

甲辰下

壽維揚仲容許翁八袞二首吾友在臣願六尊人

也

令子吾良友先生自典型名垂高士傳身作老人星松菊存陶逕芝蘭映謝庭他年看相業韋氏有傳經

禪理推玄度人倫重子將勝遊多白嶽

原籍歙州

全福更青

箱琥珀擎爲盃茱萸佩作囊

生日近重九節

廣陵騎鶴地從古

說仙鄉

賀子存叔舉第二弟

得弟年逾小頭顧我媿兄轉因門戶改復喜鳳麟生階下蘭仍茁樓前桂正榮已知英物又不必試啼聲

碩園詩稿

卷二十二

竟夕不能成寐枕上口占二絕

人身寤寐如生死作主還憑那箇來起又不宜眠又覺分明此際費安排

殘燈半盞尚陪儂莫問人間夢正濃學道十年無一得恹惶剛是五更鐘

壽孝官申翁六十進士菽旆尊人也

黃菊丹楓晴茂苑小春剛到重陽晚此際瓊筵慶攬揆日擬平原客嵇阮三戟名門笏滿牀簪纓奕葉振芬芳共欣薇省家聲茂益信槐堂世澤長蘭茅方茁騰英譽荀龍薛鳳羣賢聚才地文章皆絕倫阿鴻忽已摩天去驚看榜墨色鮮新不作科名第二人曲江更喜花如笑

十里香風馬足塵玉昆金友相磨琢驥子鷓雛總英卓  
四代仍傳章氏經一門並受申公學竚見蒲輪駕駟迎  
明堂魯邸授諸生熙朝饋醕扶鳩杖遠勝躬榮漢老更  
即今觴祝先堪羨富貴神仙福兼擅紫氣齊瞻南極星  
青鸞併報西池讌吹笙跨鶴恣遨遊侯棗陽桃亦易求  
君看綵服盈庭戲咫尺吳趨是十洲

贈海寧世燈禪師二首

聞說開山處榮公昔道場宗風三要顯法席一燈長業  
淨蓮花漏心空柏子香許詢吾亦忝無語答支郎

祖意西來舊原無義句傳歸空寧買犢掃縛自忘筌慧

劍操方利尼珠護更圓眼前三藏在好爲砥狂禪家傳大藏

頌園詩稿卷二十二

全部子將  
以施師

吳門謠四首喜勸  
兵也

連年吳市總蕭條兵氣今朝喜忽銷焚遍婁門香十里  
盡將舞羽頌唐堯

回天有力竟班師東海依然鷹鷺池白叟黃童同一口  
中丞恩德萬年垂

京口平江地豈倫綠旗鎮守不須存從來居重真長策  
禁旅雄兵自八屯

如山巨艦雇夫牽鼓吹聲中雜撻鞭只願牽夫錢納後  
更無人率拔釘錢

讀史百詠有序

息影荒廬戶絕剝啄雜閱古今史傳凡歷兩旬  
偶有所見輒以片楮錄之遂得絕句一百首

電遶虹臨誌降祥史家粉飾鑿鴻荒却因周雅生民什  
大澤蛟龍又漢皇

箕山原傍許由墳一避依然世局分惹得樂城輕議論  
竟疑舜禹亦虛文

貢金九牧鑄神姦至竟沈淪泗水間秦璽那能如夏鼎  
却云國祚亦攸關

莫道人臣死不刊賓王陳範事偏難上天預爲綱常計  
特產夷齊配比干

廊峙靈蛇瑞始開祖龍基業尚胚胎陳倉北阪當年雉  
碩園詩稿卷二十二

早爲南陽紫氣來

射天囊血兆亡殷河渭相傳殛暴君武乙後人原桀宋  
又看王偃續奇聞

湘山伐樹最狂愚他日曾封五大夫堯女舜妃何足怒  
要誇功德勝唐虞

奇士剛毅楚漢盈爲儒也莫恨秦坑白頭叟解亡人國  
亞父何來又酈生

虛文綿繆借周旋禮樂安能待百年賺得賜金歸弟子  
未流還算叔孫賢

垓下歌聲與大風悲歡末路兩英雄却嫌長樂宮中草  
不似虞兮頸血紅

誰使朝衣猝受誅晚逢勝詭亦捐軀梁王七國堪同論  
爰盜何辭暗伏辜

子卿歸國少卿降吟罷河梁各異邦蘇建有兒能不朽  
飛將軍枉號無雙

弒逆猶將霍顯留禍萌驂乘尚誰尤美兒殿下身先死  
博陸能無媿稅侯

河南屠伯號徒傳門戶終推孝謹全萬石並稱君與嫗  
原知建慶勝延年

招權五鹿勢方張悞倚楊興竟若狂到底外庭難勝內  
石君房殺賈君房

炎鼎潛移自宰衡三年居攝篡俄成回思軼道除秦日  
碩園詩稿 卷二十二

始信興亡一子嬰

四

銅馬從教作帝呼平生志在執金吾蕪蔓亭粥滹沱飯  
天與真人赤伏符

陞戟終爲井底蛙來岑連喪亦堪嗟伏波戲語非無謂  
刺客原應蜀帝誇

死友誰堪慰九京復讐垂歿俠堪驚那知元伯心中事  
不許君章許巨卿

坐觀闈尹珍親賢安得桓靈國祚延作俑總緣鉤盾令  
履霜先在永元年

大樹將顛莫可扶高人孺子語非誣不知下榻南州日  
曾與陳蕃說也無

兩都外戚數勳封層疊無如竇氏宗誰道蛇祥終滅族  
河西遺種等梁松

京師流血數難逃厭勝徒煩演六韜此日西園諸校尉  
中間蚤已列表曹

卓帽遼東著汗青徐無高義並餘馨從來烈士方能隱  
未必田疇遜管寧

荊州已喪景升兒力保江東獨此時遮莫老瞞誇子弟  
黃鬚那及紫髯奇

誰許功勳百戰成山陽別館恨難平十年辛苦曹侯墓  
換得西陵哭幾聲

盡瘁方能漢有君出師兩表渡瀘軍舊交石孟州平輩  
碩園詩稿

卷二十二

五

潛德終身可也聞

五丈原頭漢業終江東瑜肅命仍同如何艾濬饒長算  
天意偏留七十翁

陰謀典午擅山河曆數中朝得幾何收拾三分猶昨日  
洛陽荆棘又銅駝

纔觀平吳志遽荒椒房楊賈致生殃至親先遣齊王出  
孤立何曾鑒魏亡

賈門賓客辱非榮越石英雄也列名文字機雲寧足責  
蓋棺方可定生平

西向終身戒勿諛侍中血濺亦英魂兩家忠孝難同論  
延祖何如學偉元

夷吾江左自堪誇  
王馬當年共一家  
誰使上流驕處仲  
御牀引坐本瑯琊

曾因顧命蓄猜嫌  
折翼天門夢浪傳  
臣節長沙原玷缺  
後人却有晉陶潛

一夜妖星墜鄴都  
鳳陽門裏血模糊  
深源經畧成何事  
只合英雄喚賊奴

申酉魚羊竟食人  
分明淝水敗相因  
始知景畧臨終語  
爲晉原來併爲秦

竊據姑藏祚不長  
豈惟西域地凶亡  
沮渠禿髮煩稱號  
只爲苻秦有呂光

單舸江陵竟喪身  
五湖堪長未沈淪  
無端賺殺桓靈寶  
碩園詩稿

卷二十二

六

曹馬家兒每即真

姚秦甫定忽還東  
一敗青泥跣拔雄  
可惜寄奴當暮氣  
爲貪天子失關中

晚途偏欠赤松遊  
謀畧司徒枉自優  
畢竟門誅因國史  
却誇稽古過留侯

宮闈再見引羊車  
北伐空將封禪誇  
秉燭江徐千古笑  
徒聞政令說元嘉

未必臺軍善指麾  
晉安當壁也相宜  
不容鄧琬開黃閣  
天道還因孝武兒

民望原推景倩賢  
柄襠角內誓尤堅  
莫嗟付託徒袁沈  
黃襪誰教着褚淵

魏世安平涕不禁晉朝徐廣痛仍深那堪老眼王琨在  
看過零陵更汝陰

東下蕭公入殿中涪陵既死即梁宮潘妃不納余妃賜  
王茂原來合效忠

鈎弋先殲立漢昭相沿魏制本前朝河陰首禍因宣武  
便殺充華亂未消

入洛何爲忌慶之背梁元顯不須疑寶寅身本江東鬼  
死向關中報亦宜

秀容滅後晉陽尊賀拔原輸賀六渾反間翟嵩徒失計  
放教黑獺割中原

天分元魏保江東歲歲潼關戰血紅沙苑邨山真敵手  
碩園詩稿

卷二十二

七

可知年壽亦相同

雀齧熊蹯語自奇臨終荷荷似先知太平寺主何勞縛  
不及鮮卑健小兒

立國先將骨肉殘江陵全盛欲偷安讀書萬卷曾何用  
文士無成是七官

臨平湖草又重開應爲歌聲玉樹催金翅不教江岸出  
何人知有北軍來

七代瓜分混一初開皇仁壽政何如隋家此日原全盛  
莫怪河汾早上書

周朝柱國總元功孫子唐公與魏公最快江都成一夢  
字文家業字文空

樂舞從來治化成九功七德總休論東宮洗馬還思否  
蹀血當時是此門

尺一卑詞下趙陀閉關西域儘堪和如何貞觀生民在  
也唱遼東浪死歌

雖奴萬事不曾佳元舅雖存付託乖地下昭陵應轉悔  
可憐青雀枉投懷

匡復還堪號義旗阿翁曾勸立昭儀平陵翟義應同傳  
敬業居然幹蠱兒

二豎駢誅見老謀反周功竟擬安劉神龍若更懷英在  
產祿難同凡肉留

鑿輿蜀道影伶仃直待臨危憶九齡幾隊霓裳曾舞遍  
碩園詩稿卷二十二

今宵獨聽雨霖鈴

戰敗陳濤竟貶官虛名房琯也堪嘆平原失勢睢陽死  
不爲廷蘭爲賀蘭

懷恩作逆起中璫末路臨淮亦可傷肅代那堪稱御將  
純臣能幾郭汾陽

出赦懷中不偶然前知道茂果生全身汗僞命何難避  
但教君王築奉天

掩殺朝恩倖偶徼地寒李揆蚤相嘲麀頭鼠目人如此  
八百胡椒未易消

奉天未了又山南宣赦猶傳感泣談若使朝廷非陸九  
難教方鎮不朱三

再造勳名壓燧城天生李晟自非凡全身正賴無兵柄  
延賞何妨巧進讒

十年臺閣杜黃裳不媿新登政事堂却怪蜀師能舉帥  
偏教擇婿得韋郎

蔡鄆成功付史官晉公一請見忠肝用兵大事當傳後  
漢代營平好共看

變生甘露枉紛紜欲掃中璫仗外軍自古下流歸惡甚  
須知訓注即佞文

夜奠河東事已新并兼充鄆更何因朱梁伎倆無多子  
只學曹瞞我負人

鷓兒垂翅尚圖存唐社先教芒碭吞痛哭紇千山凍雀  
碩園詩稿

卷二十二

九

縉郎寧止壞崔門

割斷燕雲十六州特開石晉豈人謀金元從此基蟠固  
那數沙陀李與劉

竟把楊吳作李唐子嵩難免斃青陽後人莫笑荀文若  
獻帝居然異讓皇

降北甘隨趙北平河東舊樣幾曾更石郎本是唐家壻  
杜令仍爲晉代甥

平邊一策儘堪觀席捲燕雲事豈難天不祚周王朴苑  
只教黠檢相推官

都汴何心適困民岐溝那可咎曹彬西陲釁更開銀夏  
也算龍行虎步人

伏弩纔能殪統軍許盟終未竟奇勲澶淵已釀青城禍  
況復天書啓道君

曾爭喪禮厚宸妃却使瑤華淚暗揮漢宋堪憐俱郭后  
盛時遺恨在宮闈

鴛論千秋說辨奸兩惇二蔡竟追攀天津橋畔鷓鴣聲急  
亡宋誰知屬半山

倡道河南並二程眉山軾轍亦同聲請看和甫偕平甫  
歿齒何曾是阿兄

共詫人妖有郭京須知褚慧本仙卿太霄內禪應留囑  
禦敵仍需六甲兵

北轅南渡事原奇半壁偷安付阿誰金匱盟寒何足恨  
碩園詩稿

卷二十二

十

九哥雖在已無兒

汴京烟柳幾株存破碎山河那足論肯信衣冠流落後  
荷花桂子倍銷魂

蒼黃采石獨登壇江左功成似謝安若把符離相較量  
雍公還比魏公難

恢復貽謀自阜陵北方有繅亦宜乘即看僞學能開禁  
似覺開禧勝紹興

隔斷重華爲花雞風皇心死不須提當年嘉祐誰調護  
留正原知異稚圭

女直天興宋靖康最奇崔立恣披猖好還巧示青城報  
不在燕山在太梁

南窺北剽本吃煞身殞新塘陣偶交作賊也隨時代降  
笑他紅襖媿黃巢

照碧堂中事可憐幽蘭一炬更淒然蔡州且作黃龍府  
武穆魂應慰九泉

全蜀危疆賴再扶釣魚城築竟無虞倘留余玠如吳玠  
家計西南尚可圖

勤王入衛矢丹心建閩陳言慮自深四鎮空思支弱宋  
九公曾見扞殘金

閩廣何須悔噬臍兩淮糾合事先非平山老子徒忠義  
要殺文山也執迷

千秋文謝已流芳白首南還尚則堂賣國賈劉矜得計

碩園詩稿

卷二十一

十一

偏無消息返家鄉

崖山戰骨葬潮聲羞效前人五國城殘局二王仍二帝  
祇緣一死勝於生

嶺南歸路比蒸羊可惜黥徒易代亡贏得夢炎剛半著  
桑哥何異賈平章

迎君漠北路悠悠至大情形至順倅看到武仁終友愛  
方知監國是良謀

虎牌擅笠制難憑名器何堪顯濫膺已用司徒加宦者  
更將學士授西僧

太師牖下幸逋誅稔惡三朝報豈無定策不同弘吉刺  
滅門那免伯牙吾

丞相徐州已罷官山東良將復摧殘  
應昌地局人先識  
南北全輸布箕難

真龍安意掃張陳只爲幽燕滿戰塵  
奇后孛羅皇太子  
合稱明祖大功臣

今宵

無才原不解逢時活計朝昏也  
自支戶外蓬蒿知我懶  
膝前梨栗任兒癡  
向思世事三緘好  
近覺家風萬石宜  
焚却枯魚堪佐酒  
今宵且擬放翁詩

婁江夜泊

歲暮婁江路維舟已故鄉  
天低雲釀雪水淺月含霜  
野館雞聲早鄰船客話長  
披衣禁獨坐宿酒尚金盞

碩園詩稿

卷二十二

十一

碩園詩稿卷二十三 乙巳上

春正五日偕子存叔次谷弟集陳子靜字齋中追憶去年此日之集靜字首唱七律存叔谷弟皆有和章予以蹉跎獨未成什特爲補次原韻

開歲重逢柏葉杯一堂又喜正春回詞場雅語從容得酒陣奇兵雜沓來雞黍且留頻作社杖藜還約共尋梅勾除詩債今宵事莫惜筵前刻燭催

人日訪江子藥園暨令嗣位初於西郭草堂留飲甚歡即事輒賦二首

訪友休教令節空一番春信又條風酒才肯爲衝寒怯詩力翻因辟瘴雄

藥園方病瘴

交合紀羣星正聚人分夷惠

碩園詩稿卷二十三

道偏同三年語笑重回首彷彿虔州客署中

三年前此日予與藥

園同在虔南

桃源門徑足棲遲握手淹留座屢移聊設雞豚因我到不談文史恐隣知杯中綠蟻浮湛穩囊裏青烏指點奇

子與位初頗談形家言

最喜故人方聚首草堂不用寄題詩

婁江上元詞四首

火樹星橋豈勝遊噉噉萬室總含愁燈光爭似冰輪好不費金錢不費油

鼇山幾座徹明燃高搭燈棚貼對聯一樣官清民樂句教人偏憶七年前

休誇銀燭剪千條妝點昇平僅此宵小戶釵梳都典盡

更無人去走三橋

滿城膏火竭催科肯待明朝始耗磨

正月十六  
為耗磨日

聽遍州

衙新鼓吹家家絲竹盡嫌多

### 哭朱商石三首

菴施競光榮易摧乃蘭蓀瓦礫多堅完易毀乃瓊璠憤  
懣吾欲呼天闔煌煌朱生古誼敦懷仁蹈義世所尊瞥  
然日暗浮雲屯妖鵑入舍飛且蹲龍蛇讖合寧非冤妻  
鬢子經聲俱吞總唯風動疑君魂魄招不來歸九原故  
人雞絮慟寢門擬續楚些心徒捫中情惻愴誰與論最  
傷膏晷夙勤苦遺經猶抱殘編存執玩周復痛彌酷如  
可作兮百身贖

### 碩園詩稿卷二十三

二

百身莫贖身已亡斯道興廢關彼蒼迢邐弱齡藝苑翔  
壯歲遂升濂雒堂淵源遠紹開榛荒學在六經志表章  
如河有源谷有王天人古今悉羅絡胸中眼底涵混茫  
揮灑辭句多煒煌凌轢韓愈包歐陽獻賦未售終脩文  
庶幾地下能知君地下知君業如此萬世千秋君不死  
千秋萬世垂不朽君自成名我何有二十六載忝君友  
回首前期轉心疲憶昔同為掃地盟交呂攀嵇事非偶  
郁生王生皆翩翩跌宕文酒方少年青蒿倚松欣執鞭  
予亦奮起稱隨肩星離雨散各一天那堪裘葛頻推遷  
形疎神親更相勗黃髮共保金石堅憶君客歲沈痾痊  
握手絮語曾牀前今來視君君茫然呼之不應俄長眠

嗚呼君死我欲老人生生死何草草

過計登易安居小飲

城南春早叩書齋對酒言愁亦復佳均是交朋多地下  
劉留音驛更天涯寒梅尔喜仍臨水芳草還憐自映階  
十七年前追往事狂歌痛飲本吾儕

偶感併柬友人

無端啼笑絕新奇忽漫驚心髻有絲滿眼觸蠻爭莫問  
到頭生死路宜思酒如覺美何妨醉詩必求工也近癡  
一事報君消息好庭前梅綻兩三枝

讀蒲庵禪師畫像讚

有序

癸卯秋杪於奉慈庵中見鄧尉山志載復見心

碩園詩稿

卷二十三

三

爲庵僧疑其被召時過蘇曾寓於此今得宋文  
憲所撰蒲庵禪師畫像讚讀之乃知師嘗脩西  
方淨土於天平山又浙省左丞相達公九成慕  
師精進起住虎邱辭不赴則師之在吾吳蓋被  
召前事也爲再題二絕以補前所未詳

鄧尉留名定有由高僧駐錫本蘇州此間山水遊應遍  
也在天平也虎邱

嵩種齊名諒不虛歐陽當日爲吹噓

歐陽文公立極重師之文曾爲作序

比於大覺獨慚搽遍叢林事未覩蒲庵十卷書

師有集十卷恨

未獲

白鶴寺

精藍今乍入名蹟昔曾聞日落鐘聲發僧歸路徑分衆  
松能作雨雙殿欲穿雲喜到莊嚴地身心遠垢氛

龍華寺

千盤方到岸孤刹破蒼茫幡影雲堂靜鐘聲雨閣涼暗

潮看滄瀆斷碣弔錢塘寺建自吳越忠懿王剩有朝宗意焚香禮

塔王龍華寺塔爲塔中之王相傳八月十八日諸塔影皆來朝

泛黃浦大風

一葉孤舟舞急湍風波只作世情看平生忠信非無用

談笑曾過十八灘

南廣寺

廢院前賢置寺乃宋紹興間朝奉大夫杜華祀其祖祁公而講者重興復此時金

碩園詩稿卷二十三

四

銀高佛界龍象肅僧儀烏集談經樹雲生洗鉢池影堂

瞻仰罷壁間懸開山石奇雲和尚畫像福德想須彌

飲酒

不必效公榮糟邱且速營中之仍曰聖用者忽如兵阮  
籍能埋照劉伶自達生祇嫌千載後寂寞尚留名

壽族人五十

杜甫吾宗句好拈知非應近老夫潛籬邊種竹名慈孝  
屋後烹泉取讓廉揆攬葵榴欣正值謀貽蘭玉慶方兼  
便須頻約麻姑過仙酒年年瓮底添

閒居即事

晝永閉荆扉息交謝輪鞅文史盈我前披翫亦神爽新

苔有餘綠幽禽發清響愛此庭宇間檐端月初上

鄒訐士進士見訪不值

今朝偶出門遄歸天已暮寧知故人來蹉跎失良晤長  
風瀟瀟飄細雨毘陵樹對酒正相思相思不相遇

書懷六首

浮生無著漫支頤且喜鈎簾日暮宜長夏固知雲變幻  
久陰翻覺月新奇雄心易動因看劍健筆難閒賴作詩  
瞥眼楊梅時又過青山屢失道人期

靜中雙眼怕摩挲赤燄紅塵匝地過是處羈遊仍佻儻  
半生壯齒竟蹉跎攤書盡日堆烏几把釣何年理綠蓑  
梁父罷吟新更好興來只唱五噫歌

碩園詩稿

卷二十三

五

往事迴思付倚欄眼前擺撥且追歡千名怕點三條燭  
學道將安七尺單寄去詩筒知路近賒來酒券喜期寬  
風流頗笑張思曼那要門生爲辦餐

也是逋翁也漫郎詩人從古會清狂高談獨少三升酒  
靜坐猶餘半篆香棋局偶觀聊黑白架書閒勘儘丹青  
只防餅粟明晨盡難乞仙家辟穀方

金盡囊空剩敝廬謀生每自笑迂疎陶元亮已田無秫  
范史雲偏益有魚三九充庖心自足十千沽酒願頻虛  
宵來得句題何處摘得芭蕉細字書

因案頭乏紙故乃實事也

恰宜鏟迹與銷聲數到年華總不驚猶喜老來狂未減  
莫憂貧極累非輕劍南詩好吟千首硯北身閒過一生

他日逸民文苑傳豈愁還載野夫名

晚坐北窗

炎月開北窗棲神况立圍欄角垂長虹庭心歇微雨流  
雲淡若無華月儵然吐道勝寶冲襟景幽愛空宇紛紜  
朝市塵何處來靈府

讀文中子畢漫題四絕

六籍猶存賴表章河汾一脈溯陶唐縱教正統歸濂雒  
文中子何妨繼素王

風雨先人有做廬薄田餽粥樂何如開皇無異義皇世  
贏得彈琴且著書

太平策獻枉隋年房魏仍輸董薛賢禮樂難興貞觀日

碩園詩稿卷二十三

六

始生先已嘆銅川

五斗先生自快人笑他嵇阮喪天真不妨醒醉分兄弟  
千載東臯號逸民

仲長兩先生詩

有序

少讀仲長公理樂志論心慕愛之近從文中子  
及東臯子集中得仲長不曜爲人則益窅然不  
可測矣夫公理之迹雖似稍顯乎然正深於隱  
者若不曜之天隱固已屏絕塵事跡其緒論一  
二微見意旨又豈果於忘世者耶予感兩人生  
平迹睽心合真有如蘭菊異時而同芳也作仲  
長兩先生詩

仲長公理統

炎漢積皇綱肥遯多逸民昌言理亂篇語意何諄諄觀  
其慨當代竟以比亡新乃知高世躅曹氏焉能臣參軍  
尚書郎混跡聊風塵神龍嘗喪角騰蛇嘗棄鱗胸懷所  
擬托居然邁羣倫彼哉荀或徒乘時昧屈伸孰與任隱  
間偃仰全天真

仲長不曜子光

隋未有奇士語默俱非常賣卜似嚴遵採藥同韓康結  
庵在河渚隱形藏其光文中固大儒東臯乃酒狂昆友  
並冥契通塞寧相妨道勝志自全身潛用仍彰矢口得  
政要綱舉衆目張宅平而無爲辭旨尤深長斯人倘逢  
碩園詩稿卷二十三  
七  
時致理將虞唐

遣興二首

剗餘習氣不沾塵怕戴林宗整角巾綠酒平銷無限恨  
青編先乞自由身生涯雞肋剛成我意氣猪肝豈累人  
箕料卧吟行亦醉幽居好作葛天民  
任他東海會揚塵且岸樽前漉酒巾遊况閱來留傲骨  
詩腸撻盡失閒身但知蜍志無生氣那管孫劉是要人  
萬事祇嫌微障在頭銜貪暑醉鄉民

梅村先生堂中與訐士九日醺集

當暑塵事冥所愛晝晷長嘉樹繁清陰叢蘭鬱幽芳爰  
偕素心侶同會君子堂媿接南皮遊幸陪北海觴文翰

共研析八閤皆生涼於焉坐小艇沿流遡迴塘森森竹  
影綠習習荷氣香披襟正微風改席尚殘陽追歡興始  
愜惜別情還傷攜手立踟躕此夕誠難忘

雨後

涼風豁重雲一雨已成昔蟬聲出樹清苔色連牆碧對  
此煩抱舒優游且今夕展卷亦何爲徒悲古人迹

瑞士客維揚歸見示新作走筆柬之十首

騎鶴腰纏未必兼贏他才藻比江淹瓊花浪自誇仙種  
敢與詞人鬪筆尖

落日登臨屢蜀崗定須回首憶滄桑鮑家枉作蕪城賦  
那及王郎五十章

碩園詩稿

卷二十三

八

錦帆佳景錦囊收朋友江山自快遊十里珠簾何足道  
正嫌小杜不風流

紅袖青樓倚夕曛邗關曾見豈惟聞新篇壓倒高常侍  
不寫千燈照碧雲

夜看千燈照碧雲  
雲達夫句也

往還酒琖併詩筒海內詞壇司李雄異地壘篋仍唱和

平山堂主是歐公

謂阮亭

臨印車騎一時新卷軸逢迎未厭頻傾蓋竹西歌吹路  
獨將同調許汪倫

舟次

論文樽酒每園亭花萼爭輝果寧馨近閱淮南人物志  
休誇兩到與雙丁

力臣師六

蘭陵才子昨停橈也說新遊廿四橋最好官衙時接席

談詩往往坐深宵

詩士

每逢詞伯便多情判阻歸帆幾日行

端士歸途訪程崑崙使君於京口

珍重潤州程別駕燈前促膝問王生

崑崙首詢及子

當年此地我曾過風雪南冠恨不磨今日把君詩在手  
驪珠却比淚珠多

病馬次唐人曹堯賓韻五首

名種分明產渥洼可憐一蹶失歎沙  
疎身猶自思風利顧影惟堪伴日斜  
夾鏡方瞳還閃爍如牆瘦骨已槎牙  
倘逢韓幹重圖貌肯信從前是玉花

偶儻權奇齒正齊當年曾記騁霜蹄  
識途漫擬身仍健盡力誰知價已低  
金埒忽離非內廐珠鞍初卸竟汗泥  
碩園詩稿卷二十三

九

空羣自恃雄姿在縱遇孫陽不肯嘶

雲錦成羣逸足翻無人收養到龍孫  
皮乾刺有殘官印蹄裂多因舊戰痕  
老去步趨隨下澤閒來夢想出橫門  
千金買骨何時事伏櫪空銜未報恩

銜轡雖存那忍看不逢拂拭遇摧殘  
垂頭怕渡黃河險掉尾愁衝紫塞寒  
已雜駑駘隨鷄笑漸消踈齧托龍蟠  
玉山禾在知何味欲療饑腸正自難

駿逸依然色與毛驚帆祇恨失風濤

驚帆曹真馬名

不貪棧豆

鬃宜禿縱困鹽車脊自高鑄象看時猶善走  
按圖求處有長號漁陽老將能垂念剪拂堪隨繡澁刀

苦熱口號

那知伏盡更驕陽未踏層冰斗欲狂流汗豈宜來襪襪  
披襟空想濯滄浪普天如甑魚多爛大地爲爐鳥不翔  
暑散幾時逢扇暍教人心地一清涼

衡門

咫尺衡門下冥心即隱居蟬聲清透樹苔色綠連裾銷  
雨憑僧史停雲得友書襟懷涼倍爽汛掃正庭除

偶作

一編新約束百榼舊生涯幽恨悲芳草浮名笑落花江  
山宗炳社風月謝敷家願究空王理前賢迹未遐

自嘲

詩文千載定誰真我自前生滯宿因側理隄塵俱廢物

碩園詩稿

卷二十三

十

肯拋時日費精神

碩園詩稿卷二十三

終

碩園詩稿卷二十四 乙巳下

詩偈

有序

生平於佛法茫然而心慕好之乙巳長夏泛覽  
禪宗諸書聊以銷暑隨手劄記遂成二十絕句  
此特緣鄙性善忘年來尤甚故偶誌萬分一二  
庶使古人公案猶稍留影響於胸中非敢云望  
見門頭戶口也

拈花微旨類醍醐未許旁人說有無勘到熙連河畔事  
可將一笑換雙趺

西天東土許同參四七茫茫更二三大吼全提今尚在  
石頭馬祖是奇男

碩園詩稿 卷二十四

溪聲山色不妨留本命元辰在到頭倘道東坡門外漢  
無山無水又何愁

機緣語句莫思量好踏屠門與酒坊紅日西沈魂那裏  
昨宵又遇挽歌郎

諸緣頓息見龐公本地風光自不同日用猛題無別件  
搬柴運水具神通

翠竹黃花意淺深庭前柏樹待知音趙州本分從拈示  
莫向枯椿舊處尋

掉撥誰嫌沒好緣臨行囑付饅頭邊江波釣盡金鱗遇  
不見絲竿不見船

惹得疑團栲栳增拈槌豎拂有何能要知學佛無難處

作箇長行粥飯僧

分明醫眼覩空花  
棒喝何人果作家  
驀路相逢當日事  
德山臨濟幾曾差

河南河北覓相知  
只爲因緣決擇奇  
到底英靈能脫出  
等閒衝破碧琉璃

且將落葉掃層層  
莫問歸家尚未曾  
鑽火逢烟俱是夢  
更於何處現金星

僧堂不宿宿孤峯  
曾見中途猛虎逢  
若問道人安置地  
高山深海總無蹤

酬唱須知不偶然  
綱宗挈出許誰傳  
雪峯三句能包舉  
豈碍雲門一字禪

碩園詩稿

卷二十四

二

秀師善罵原非假  
嵩老常瞋亦豈真  
還有軒渠顛佛印  
畫圖却倩李公麟

倒街卧路未爲奇  
水綠花紅自一時  
辦得酒仙行徑在  
娑婆淨土總便宜

葫蘆拄杖谷泉家  
客到休將祇待誇  
幸喜不曾留火種  
也無胡餅也無茶

笑他言語強追求  
此法何曾有盡頭  
鈔畢華陽詩四句  
本來面目政黃牛

餘杭政禪師作送僧  
偈全用陶弘景語

但能入世事無餘默  
照邪禪要屏除荆棘林  
中誰好手  
徑山行履不曾虛

原無識浪與情塵  
百尺竿頭好進身  
嫡子親孫能認取

那容妄賊刳家珍

凡情聖解任評論禪語能拈佛事存自笑巴歌胡釘鉸  
且從懔懔立乾坤

壽陳母方孺人七十吾友靜字尊慈也

節物溫風至庭闈淑景偏邦欽人瑞著里羨女宗傳忠  
義推名閥爲正學先生後文章屬後賢行能焚衛埽才更謝班

前蔗境歡娛甚萱堂福祉綿翻從懸悅日追數結禱年  
蓬戶隨王霸柴車助鮑宣襟期淮海擅德望太邛全布  
席尊函丈焚膏熟簡編蘋蘩供黽勉機杆業精專舉案  
鴻偕逸吹簫鳳並仙蘭芽欣競秀瓜瓞慶方延倏爾冰  
霜剝因之歲序遷丸熊頻訓誠截髮屢周旋欲繼康成

碩園詩稿

卷二十四

三

座還存子敬擅神駒從跼跋天路必聯翩物論推徐穉  
經師重服虔蟠胸皆繡錯脫手輒珠圓淬利剗干鏃雍  
容列豆籩鵬搏應指顧豹隱豈迤邐毛檄來仍慰潘輿  
奉亦便耆齡伴絳縣佳氣繞藍田律應林鐘候星明寶  
婺躔晝長時燕喜弦近月嬋娟朱果貽金母緋桃授偓  
佺荷香宜送酒蕉綠好題箋雅操松筠繪清心琬琰鐫  
通門交共契同閨齒誰先且復陪珠履相將祝玳筵  
看鸞詔下再補白華篇

偶書

掩卷忽不樂獨坐來淒風念此顛顛姿頗與秋容同寒  
聲亂蟋蟀清響紛梧桐悵然撫歲運悠忽將成翁騷雅

夙劇意篇帙漸徒工區區溝壑憂安足搖微衷

天孫曲

弦月斜生雲不碍天津欲涉涼光態靈匹仙期果有無  
歷落餘星似拖珮鳳杼龍梭巧浪傳可知向曉即明年  
穿針女伴層樓上盼殺羅巾蛛網牽

昭君邨有序

琴操以明妃爲齊國王穰女子昔擬古樂府亦  
因其說然而妃實蜀人也昭君邨在夔州莫著  
於少陵集負薪行中韓子蒼嘗辨之固不得云  
齊女矣戲題一絕自嘲

巫山雲雨有誰爭原合明妃此地生齊國高唐同錯認

頽園詩稿卷二十四

四

吳儂自古欠分明

高唐州在齊地元人陳笏過高唐州  
詩云吳儂誤讀襄王傳空向山東夢

楚臺

客至

閒堂敞秋晴端居養幽素客來止高車研析究文句名  
理方愜新良時轉傷故坐久談漸深媿乏盤飧具輕飈  
起虛簷晴虹挂疎樹送客偃荆扉不覺遽天暮

中秋偕浦甄玉家次谷飲子俶齋

肯淺南樓興須空北海杯一家添酒力

子俶出與參皆  
節兩郎君佐飲

萬里壯詩才墜葉秋非早啼螿夜自哀陰晴何必問莫  
聽曉鐘催

聞雨

仲月寒氣生西軒坐幽獨側耳增百憂簷漏滴相續哀  
此婁江民上天降災酷陰霖屢旬時租稅安能足我本  
失業徒催科尚煩促逃死慕樂郊家室苦羈束空羨凌  
雲霄高飛自鴻鵠

讀後漢逸民傳五首

吾愛向平子真心慕棲逸理悟損益間與人自無失取  
足反其餘辭受非權術富貴貧賤分胸中已深悉死定  
何如生此語竟誰詰我年三十九五嶽僅識一名山倘  
能遊娶嫁寧須畢老易在牀頭朝朝且開帙

子陵氣磊落著德稱皇唐抗迹高自期巢父相頡頏故  
人已龍飛共卧仍無妨差憎劉文叔素凝侯君房天子  
碩園詩稿 卷二十四 五

非不佳公卿亦誠良其如相助難耕釣思徜徉桐君山  
自高嚴灘水自長萬古留清風烟月同蒼茫

東京世未衰樂生早高隱賢哉椎髻妻三十乃合卺屢  
堪顏回空亦見仲由溫出關作五噫悲歌溢聲吻疾俗  
固菜蔬悼心更荼堇奇哉臯伯通獨能測其蘊行視要  
離墳葬之使相近落落千年來何人識孤憤

采藥韓伯休愛向名山居神仙詎可期志在逃空虛偶  
茲遊市中迹豈殊樵漁女子恥知名況於下徵書幅巾  
道遁逃絕意乘安車亦猶不二價竟能全其初緬懷此  
遺蹤高妙爲何如閒雲在絳霄能卷還能舒

龐公本英雄藏身有耕鑿水鏡映清襟卧龍資偉畧城

府何足遊壠上妻孥樂鴻鵠巢高林龜鼈穴深壑名士  
劉景升空談漫酬酢子孫遺以安斯言良足藥明示豚  
犬兒他年竟誰托去矣鹿門山終焉返寥廓

曉窗

衡門寂寂好攤書正是呼童滌硯餘曉日半窗茶乍熟  
庭前撥刺響盆魚

燈盡

殘書數卷讀難終燈盡纔餘半穗紅蠟淚成堆歌舞席  
不須閒想寇萊公

邀月

邀月共舉杯形影自主客與焉成三人田園亦堪適借  
碩園詩稿

卷二十四

六

問沈慶之何如李太白贈答兩忘言陶然永今夕

郊行

郊虛秋盡景茱涼信脚經行興尚狂細路葉飄疑小雨  
崗前燒起亂殘陽水邊每羨魚遊樂天未還思雁路長  
別久故人應醉我城隅新闢浣花堂

鴻調新築初  
成是日往訪

述寓十二首

萬物各有情聖人獨無爲造化未嘗息黃農豈難追悲  
哉道喪世窅默斯其宜散朴澡淳源乃在唐虞時隱形  
與藏光許由且未知

應龍方變化角鬣生雷霆當其卧三冬詎意能神靈昔  
有太公望耄年尚飄零未載渭水車先困棘津亭勳名

孰云早所樹炳丹青嗟彼終賈儔母乃徒英齡

朝過田竇門暮弔原嘗里可憐金石交一朝竟流水結  
交寧必多人生貴終始不言下成蹊嘉樹比君子荆棘  
生滿園何如種桃李

吾觀列子言會心妙無迹巨鰲比螭螟蟬人等龍伯大  
小物論齊神全豈形役因悟元化初至精信難測菌芝  
已千秋大椿亦朝夕奈何學長生服食鍊魂魄區區培  
井蛙聞見終拘僻

蘇季激張儀蔡澤說應侯同負掉闔才感激無恩雙從  
來禍之門富貴職其由嗟嗟夸毗子冒昧招愆尤功成  
身竟危空羨鴟夷舟

碩園詩稿

卷二十四

七

絮倩名園花悅澤方春時不待微霜侵已見凋華滋榮  
落安有常盈滿終非宜君子貴識微此理當深思放麀  
乃受托食子翻遭疑所賴忠信存庶免千載嗤麻直更  
蘭芳何如菜與施

木槿向朝茂螻蛄當秋鳴人生壽雖長難與羲娥爭聖  
賢亦長逝碌碌徒公卿不如一杯酒可以陶吾情季鷹  
古達士身後仍留名

軒轅昔好道鑄鼎荆山隅鼎成棄羣臣騎龍踏天衢周  
穆嗜遠遊八駿爭先趨瑤池會王母觴飲爲歡娛神仙  
如可招羽化誠非誣何時凌倒景相與觀清都哀哉望  
祖洲秦帝徒成愚

劉伶閉關人寄托特奇妙陶潛好六經所得益精要飲酒全天真古賢可憑弔世事如浮雲我欲發長嘯

六代矜繁華金陵古遺壤勿論帝王州此地足遊賞三山二水間古人竟何往謝安本瀟灑李白亦滄蕩我欲招其人臨風有餘想

管子天下才鮑叔知其貧解劍慰徐君延陵竟何真人生貴知已奚必珠玳寶緬懷賢達風千金等埃塵可憐滄溟志竟作涸轍鱗升斗亦云佳安能活波臣會激西江水鼓鬣黃河津

食糟蟹甚美戲詠

無陽固合老糟邛螯巨能無畢卓偷酒陣策勲誰第一

碩園詩稿

卷二十四

八

舊封原號內黃侯

蟹名內黃侯見宋人詩話

閱東坡集偶成

勞生已半竟無聞

坡詩年鍾三十九勞生已強半

輸却東坡有萬分獨

喜陽臺消息斷今年不要覓朝雲

坡納朝雲時年三十九

除夕二首

四十年華一夕催浪隨兒女撥爐灰逡巡易廢三冬業汗漫難消八斗才世事迫如將盡歲文心開似欲舒梅今宵幸過詩人厄

三十九為近代詩人之厄

笑看浮蛆又滿杯

荏苒俄驚令節催已將心事變寒灰莫爭李廣終奇數且試江淹未盡才佳境欲嘗思啖蔗春光先到擬尋梅

是日立春新年文債從容在婪尾寧辭數舉杯

頤園詩稿卷二十四終

頤園詩稿卷二十四

頤園詩稿卷二十四終

碩園詩稿卷二十五 丙午

新年即事八首

酥花綵勝競豪華鄰曲親朋笑語譁莫道貧家輕過節  
齏鹽風味也堪誇

裝罷桃符眼乍明何來車馬劇逢迎填門賀刺真無謂  
那得人人學禰生

震霖當春菜麥勻老農口語未爲真豐凶自古由人事  
占驗何須怕甲申 三日甲申雨

識得開年樂事無杯鐺連夕續屠蘇不憂擊筑無人和  
燕市新歸舊酒徒 謂公咸也

令節高門也獻酬繁華還話少年遊烏衣巷裏人如舊  
碩園詩稿卷二十五

今日相看半白頭

報賽千家奏綠章叢祠州守亦焚香爭傳龍漢年間史  
丙午新年降玉皇 時傳丙午春正九日爲玉帝生辰出道藏

燈宵角抵費空糜柳或當年請禁宜肯信衙牌催搭綵  
深坊曲巷盡傳知

聽徹銅壺黯斷魂自傷藥裹伴黃昏蕭蕭風雨今何夕  
無酒無燈過上元

夜讀口占自嘲

酒盞新年倍有情今宵纔近短檠燈伊吾尚恐兒童笑  
那用知書記姓名

病起坐雨

二月春猶勒初旬病亦兼  
雨聲銷擁被花氣失鈎簾  
鍊句知詩退持卮怯酒添  
明晨無過客料理又書籤

落梅

堪憐飄蕩逐風迴  
欲折隨聞玉笛催  
春色嶺頭同一望  
南枝那似北枝開

止酒

出飲經旬樂事全  
偶思止酒亦悠然  
清宵病耐詩排遣  
俗客塵憑雨洗湔  
枕暫拋時思朽  
簡茶剛啜處喜新泉  
只愁屐齒泥方冷  
疎索梅花又一年

春閨偶詠

有序

少年綺語懺悔已久  
偶見客有作春閨雜詠者

碩園詩稿

卷二十五

二

走筆聊和其四  
要以辭取變風而意期仍不失

正云爾

綠遍迴廊忽轉鶯微窺  
欄角颺簾旌祇緣客到鸚鵡報  
不喚青衣第二聲

深院

誰傍楊花數暮鴉  
浮雲西北是秦家  
晚妝頻倚應吟句

芳草連天日易斜

高樓

牆上梢頭儘意窺  
動搖端不似風吹膽瓶香  
閣宜清供  
遙想攀條揀折枝

砌花

滿架香生粉蝶叢  
薰葦餘潤驗東風  
侍兒收取知情性  
愛著輕衫不肯紅

晒衣

舊園

新誇金屋與朱門誰認秋風向秀園二十年前還似昨  
酒徒歌伴幾人存

偶感題壁

梓澤蘭亭憶惘然愁多四十已華顛春光依舊濃於酒  
那得心情似少年

楊墓廟

相傳宋末楊將軍戰歿藁葬處州人玉巖  
周公爲你記按志云近有人發其誌乃元  
爰紀二絕句

古廟停撓立惘然野花剛艷夕陽天無端剝蘚看碑字  
却是咸淳第十年

荒阡已表將軍墓斷碣仍鐫處士名莫問兩朝人物異  
一般寂寞過清明

碩園詩稿

卷二十五

三月四日作

被袂纔過且掩關那堪人事入愁顏側寒也怯清明雨  
久別仍思白下山案有短檠垂二尺家惟老屋剩三間  
窮身自笑還奢望箋上天公乞賜閒

三月二十六日飲牡丹花下

絕勝金盤與綵籃濃芳深院映微酣吉祥寺裏坡公會  
恰喜今朝僅過三

東坡於杭州吉祥寺觀牡丹乃  
熙寧五年三月二十三日也

案頭牡丹花爲東鄰折贈者不三日遽萎

錦幄雕闌那許誇膽瓶對酒也風華獨憐零落堆窗几  
曾作鄰家富貴花

法雲庵

郭外招提勝若何一聲清磬出烟蘿總因偶到悲塵世  
豈爲頻來惜咏歌院靜樹頭啼鳥少僧閒堦面落花多  
須知火宅時時是片刻清涼快莫過

陸母諸孺人九十節壽詩

惟節必得壽所以尊簣當嗟彼桃李花天艷徒春陽倚  
歎陸貞母千祀垂芬芳盛年賦柏舟髻髮今秋霜九齡  
錫自天實稱國禎祥我獲交賢孫文彩飛琳琅因而悉  
令嗣卓行推於鄉用締兩世交拜母欣登堂彤史有餘  
馨永賴扶綱常

澗山

湖畔撐拳石神居萬古靈僧窗連樹綠漁火傍潭清浪  
碩園詩稿卷二十五

四

打空存廟泉流不見亭至今蛟鬪處風雨晝冥冥

旱

總爲連年水愆陽鬱倍驕雲屯郊不雨風熱野如燒五  
月頻徵稅謂自孟春至今仲夏千家始種苗化工誰在手移轉活

枯焦

連日方苦追呼偶閱劍南詩云叩門翻喜吏催租  
又云有吏徵租未是貧雖兩作意各有取然非所  
論於今日也因反其語成二絕句

三旬淫雨畝荒蕪啞啞時聞啄屋烏若使放翁當此景  
叩門可喜吏徵租

四壁何妨伴一身地無錐立羨閒人民情今日非南宋

有吏徵租始是貧

家石玄頤園宴集偕歸元功陸宇鏡子載葉敷文  
分得七陽

烏衣猶是舊門牆喜集名園比辟疆布局忽看棋陣變  
揮毫惟覺墨花香好懷人面逢今雨勝境山腰上夕陽  
共道竹林遊正似狂歌那惜醉千觴

又得一東

嵇阮襟期四座同機雲才藻並稱雄玉山人坐今宵月  
茂苑帆來昨夜風

謂字鏡  
昆友

櫻筍厨佳尊更綠竹梧庭冷

燭偏紅當筵授簡皆能賦那數西園在鄴中

園在鹿城  
西郊亦號

西園

頤園詩稿 卷二十五

五

攤飯

晨興書卷正宜澆攤飯還如閨一宵博得華胥身屢到  
孝先便腹任人嘲

夏夜獨酌

虛堂夜坐天風寒起看星斗垂闌干螢火爭飛烏鵲噪  
拂劍欲舞還長歎青史英雄已黃壤丈夫有志誠難強  
視鷺何苦作馬援平聲射虎不如隨李廣眼前七尺寧須  
憂鼠肝蟲臂徒悠悠人生年壽非金石停杯須待東方

白

秋風

荏苒又秋風愁餘兩鬢中案螢青自照樽蟻綠將空意

氣牛衣短生涯馬磨窮深山如可入拾芋學狙公

七夕遊仙詞四首

幽期浪倩鵲爲梁也似人間夜不長怪殺無情唐杜甫  
只吟萬古永相望

縹緲承華夕露零即看王母降雲駟南飛還囑三青鳥  
殿上東方是歲星

衝天紫色不須疑丹簡鐫名是冶師昨夜已曾朱雀到  
今朝定有赤龍騎

朱裳絳節笑無言下土穿針在一番乞得巧來剛是拙  
可憐偃偻柳宗元

八月十四夜偕陳確庵王端士顧伊人集書城叔  
碩園詩稿卷二十五

六

心遠堂得秋字

槐堂虛敞客堪留喜伴琴書得勝流星聚今宵陪大阮  
雲開明日祝中秋是夕無月急觴未厭初筵舉奇字偏宜半  
夜搜無限心期詞賦嬾酒闌清夢欲滄州

空塔

空塔桂影步還吟漫聽街頭報捷音投牒已非今日事  
挑燈曾有昔年心琴因夔後名誰匹雖自囊中勢莫禁  
爲語下和休下淚謂鴻調鼎元康侯諸子雲泥從古有升沈

放歌

男兒耳目何蹉跎晝短夜長當秉燭五嶽寧殊蟻蛭卑  
百年亦似駒陰促世間名利方教煎萬卷欲讀仍茫然

靈均憔悴徒自苦子雲寂寞尤堪憐飛仙不藉金丹力  
無營會使三彭匿寸田尺宅縱須談尻輪風馬誰能測  
生平頗笑陶華陽四十戀作尚書郎野夫那愛蓬萊吏  
只愛侯封屬醉鄉

歲月

歲月寧容老懶虛飽看今古趨三餘牀頭牛角前人事  
周易纔終接漢書

覽鏡見白髮

二毛久已同潘岳四裘原應作李冲身是當年舊王椽  
黑頭公作白頭公

飲酒作

碩園詩稿

卷二十五

七

三日不飲酒形神不復親向愛古語佳今思尚未真半  
日不飲酒眉宇生埃塵一日不飲酒腰脚難屈伸兩日  
不飲酒耳目非樸淳日日宜飲酒無論月與旬時時宜  
飲酒無論秋與春酒亦何必美饌亦何必珍素性耽蕭  
閒淹留之佳賓大兒可五斗小兒能數巡其下坐衆雛  
杯到均沾唇或時攜卷書寅酌每至申與酣偶下筆自  
謂如有神百年苟若此殊足藏吾身莫喜何次道莫怪  
周伯仁獨醒固由已皆醉寧猶人兀然一枕酣我本華

胥民

除夕示兒輩

饒歲杯盤又一新東風吹暖望開春書須勤讀休辭嬾

酒可頻沽那算貧半世未承三世志五朝仍作兩朝民  
子生前朝青燈老屋呼兒話臘喜今宵尚四旬  
天啓丁卯

碩園詩稿卷二十五 終

碩園詩稿卷二十五

碩園詩稿卷二十五

號

天啓丁卯青燈老屋呼兒話臘喜今宵尚四旬  
碩園詩稿卷二十五

碩園詩稿卷二十六 丁未

偶歎

儒者所謂世釋道劫與塵耒耜生干戈此中變彌新周  
公困流言仲尼終旅人江河歎日下仁聖徒辛勤五霸  
終勾吳二周遷強秦跖顏命固殊莊屈理亦均誰能使  
當世倏忽還狂獠庶幾柴桑叟飲酒全天真

殘梅二首

看梅偏喜半殘時亂點苔階態自奇更羨東風吹不落  
幽香仍出最高枝

幾枝飄泊幾枝開何遜揚州尚費才試看青青能結子  
莫將殘雪比殘梅

碩園詩稿卷二十六

破睡

破睡窗初白豪吟興忽雄愁餘身計外春半雨聲中跌  
宕憑三雅摧頽任五窮看梅僧屢約來歲莫教空

王鴻調招飲以獨酌已醉辭之

無端午酌到昏鴉醉墨淋漓尚自誇就枕嬾如僧退院  
拋書閒似吏休衙友朋踪跡終飛籜文字因緣總落花  
縱使吾曹宜聚飲不如相勸讀南華

劉河觀海四首

萬派東流向此間魚龍終古怒潺湲生平眼底誇奇絕  
好配黃河與泰山

海濱生長何知海今日憑城覩始驚蘭苑蓬萊吾眼底

傲他仙客會騎鯨

微風不動戍樓旗，貝闕龍堂盡一窺。  
幾點雲帆如雁鷺，東溟端合號天池。

沈洋已盡文章變，寧獨潘江迥不如。  
對此鉅觀還欲賦，當年曾窘木玄虛。

今年

今年四十俄加一，荏苒天教老更狂。  
未死境休嫌失馬，無成學始悔亡羊。  
糟邱歲月差堪樂，醬瓿生涯也自忙。  
却喜輕衫借酒伴，春風明日午橋莊。

太原奉常烟翁先生訂遊樂郊

獨飲

偶成獨飲正春寒，那管春愁有萬端。  
簾外慣看花雨亂，碩園詩稿

卷二十六

二

堂前翻羨燕泥乾，得全樗櫟寧非幸。  
思保桑榆或不難，鬱鬱久居惟自笑。  
五湖烟水只漁竿。

詠雙蝶二首

曾爲神女戀劉郎，翅舞東風競欲狂。  
魂斷青陵臺下路，前身可省是鴛鴦。

相逐俱飛豈宿因，不知夢醒定誰真。  
可憐烏足平分葉，幻出莊周各一身。

客有以進取事勸予者作二詩畬之

無才久矣卧菰蘆，文戰何煩起野夫。  
便著青衫須趣短，縱搜彩筆已腸枯。  
眼看行卷頭先痛，身踏名場影亦孤。  
珍重諸公高興在，即今袞袞繼歐蘇。

已無塵念得相侵功課難拋只苦吟久困漸消題柱志  
未衰先失據鞍心每談山水思乘興況遇鶯花欲惜陰  
笑殺當年陳正字千緡枉自買胡琴

即事用洵兒韻

門前稀剝啄牆外好籬籬日短兒宜惜雲多我自怡陶  
公從古達王椽偶然癡書卷欣初暇清樽那厭移

初夏齋居即事四首

春盡書樓雨氣涼落梅風急近端陽偷閒暫署邨夫子  
也覺光陰半日長

殘卷從教走壁魚偶然銷睡午窗餘北風吹亂新開帙  
一半唐書半晉書

碩園詩稿

卷二十六

三

兔園冊子日三竿麥飯新筍更一餐忙殺槐花儂不管

封侯自有大槐安

時正值  
試事

心閒最喜覩新晴伴我茶鑪共酒鐺倘得徑開來二仲  
不妨單絃下牀迎

五月十五日書事

溽暑今年五月半淋漓已覩霑衣汗揖客方閒思少休  
芭蕉葉在慵揮翰石榴花開又葵花南風忽喜吹窗紗  
酒紅那更吳鹽白恰有楊梅與枇杷晚餐浴罷無餘事  
兀兀騰騰可人意玉臂雲鬟總夢中老夫自擁青奴睡

遣暑二首

桃笙葵扇已連旬尚苦炎歊滿目塵此日山東千里路

不愁驢背少人行  
也餐白粥汗難除其奈蟲雷鬧午餘破睡莫來無別計  
誰家去借耐庵書

夏夜燈下偶成二首

炎天燈盞本非宜賸喜持杯夜讀時名利殺人蛾戀火  
不妨和爾一般癡

清編銷暑仗燈青燈死書存酒欲醒老眼不曾嫌字細  
案頭那得未乾螢

清談

有客清談喜欲狂無聊此是療愁方興酣那待三升酒  
思暢寧眠六尺牀敢道焚舟無勁敵但知鋸屑有微長  
碩園詩稿卷二十六

四

老來舌在堪憑仗困殺張儀尚不妨

密林擒

分明舌本得醍醐味較來禽似得無晨起三杯神氣爽  
改名合喚碧琳腴

戲答座客

坎止流行理不虛從來怕讀養生書百年若要身強健  
飲酒能多病自除

北窗

暫喜閒身坐北窗五年孤寂已滄江詩能成癖何須療  
睡或生魔不用降銷暑課程書一卷驅愁勲業酒千缸  
只嫌底事縈方寸還剩荒田二十雙

詩成

也識侯門在終身恥曳裾久質僮僕散多病友朋疎學道寧忘世逃名爲讀書詩成還獨酌涼月下階除

涼雨

涼雨知秋近空齋覺地寬竹風來浙浙荷露墜團團窗靜延香炷箋長費墨丸倦來思就枕午夢足清安

題語石上人畫像二首

南嶽門庭是也非蕉陰桐影路依稀生公一會頭曾點開口寧甘第二機

從來禪理原如畫畫裏應知巧證禪

上人素工山水

識得圓津

真面目山花澗水共悠然

碩園詩稿

卷二十六

五

空齋

襟懷索寞幾年獨坐空齋憶惘然燴蓋稍嫌茶候老臨書偏愛墨痕鮮文逋了後依然積酒戒持來那得堅萬事只今遺落遍不愁人問買山錢

晚食

晚食何如肉甘餐腹果然已逾羹不糝差勝突無烟月暗團臍蟹秋深縮項編老饕休妄想一飽足殘年

對酒四首

憂覺無端到深杯暫解之杜康功用大魏武最能知卷開方筦爾甕揭適翛然酒便宜儂醉何須問聖賢字嫌難作價我自吸千鍾一石堪同醉磨來墨汁濃

邀客原知罕呼兒尚覺遲從來河朔飲今許一人私

漫作二首

吾廬吾愛強尋歡閱盡風波萬事難五載懶成遊子夢

半生甘守腐儒飡瓦礫恰短如何棄蒯缺雖長不用彈

聞道吳興賢郡守綈袍却憶故人寒

吳興守吳公菌次予舊交也每於梅

邨先生前詢予近況

出門一步脚遲遲縱藏何人競此時白晝看雲知可過

青山采藥恐難期茂林脩竹羲之記清簟疎簾子美詩

剩有勝懷難撥置蕭齋還作夢魂疑

酒無獨飲理次陸務觀原韻

酒無獨飲理所恨乏佳客遺編對古人庶足永今夕落

頽園詩稿卷二十六

六

日收庭隅清風過檐隙塊然坐愁城好景逝堪惜此時

銜百憂還須盡一石吾愛劍南言天地爲幕轡彼哉尚

平遊婚娶畢何日五嶽在胸中豈必蠟雙屐

頽然

莫嫌筆墨已頽然老與詩文倍有緣弓燥手柔娛此日

腸肥腦滿悔當年源流世盡廬陵後格律人誰大曆前

醉夢且由儂妄語此中或反具真詮

秋夜獨飲忽憶生平先達知已自同里大司成先

生外莫如吾師交河公因成四律誌感老大無成

未知此生得侍師門否也

北望師門遠天涯涕不禁十年稀覲面

予受知於師以丁亥歲謁公於

金陵以丁酉歲  
今又十年矣  
兩字重知音  
師評子試卷有才子之目  
敢附青雲子

誰憐白雪吟何因憑雁足一訴感恩心

不謁長洲令  
長洲令辰生桑公師門婿也子丁酉歲曾同飲於師金陵署中  
音書益杳

然未忘前席話偏喜故人憐  
夜驛溥沱夢  
辛丑歲富春驛欲迂道半

日謁師為同行者所阻不果  
秋潮建業船  
丁酉出關過歸竟未及面別師  
頑疎成屢

悔寧敢說彭宣

近得燕臺信猶聞慰藉辭  
王將軍遂徵自燕歸述師語云云  
愛才驚不

意失路感真知遙羨山公酒  
追思謝傳棋京華方吏隱

綠髮太平時

醉憶名場事燈前影自羞  
五窮隨廢錮三則負甄收憤

欲遊燕市窮真學楚囚  
西山瞻仰共還擬獲追遊  
西山張夫

碩園詩稿卷二十六

子兩試子名次亦與師試子同故及之

碩園詩稿卷二十六 終

碩園詩稿卷二十七

戊申

生日寫懷

五裘纔開又二年，覺來世味總蕭然。但知白晝宜浮白，不耐玄亭更草玄。上苑看花當日夢，名山著屐後生緣。眼前兒女添身累，那得無家似阮宣。

自慰

萬事休誇國手棋，輸贏拋盡著方奇。避人生計貧能慣，作客風霜懶益知。愁極酒懷翻覺好，老來詩格那嫌卑。及時行樂今當勉，青史看誰姓氏垂。

壽越太學元里六十孝廉辰六尊人也孝廉爲吾

友吳興郡伯菌次吳公婿

碩園詩稿卷二十七

黃山嵯峩天下雄，靈秀鍾毓爲名宗。貂蟬金紫自奕世，一一樹駿兼流鴻。邗江堪作鹿門住，只今耆舊推龐公。經神學海夙無對，平生風義傾當代。姓氏芬芳史冊中，儒林卓行皆宜載。仍聞嬪則一時傳，淑儷能追昔媛賢。驥子駕雛更接踵，盈堦綵服殊翩翩。九州人傑吳興守，車笠曾盟忝朋舊。玉潤爭誇令嗣奇，所惜雞壇未親覲。已歌鹿鳴捷詞場，竚見春官榜墨香。涼秋桂發桐陰淨，此日先開閨苑觴。筵前恍惚神仙宅，何須遠羨浮邱柏。鳳竹鸞絲莫暫停，看君鯨吸三千石。

七夕次谷弟楚歸小飲洵泌兩兒同侍以月明風

清爲韻分得月字遂成七十二句

令節大火流暄暑尚林樾吾弟客楚歸呼杯共晞髮示  
吾盈帙詩才藻最奇拔步驟追前賢波瀾獨空濶或俊  
如生猱或健如饑鶻或清如松風或瘦如石骨或絢如  
雲霞或古如碑碣或時氣魄雄吐語包溟渤或時思緒  
幽鞭心入毫末怪哉楮墨間江山儼出沒日者和堽篋  
新篇更超脫披覽神觀殊燈火助飛越憶昔並英齡志  
在躋天闕膏晷窮冬春聲華動吳粵蹉跎失居諸獻璞  
屢遭削吾性必吐蠅弟命亦磨蝸謠詠流俗工紛紜競  
譏訐蛾眉善爲淫曾史可擣杙功名奚足論宜思保門  
閥宗族久式微我爾復顛蹶世路多風波餘年且耕墾  
從來同氣親何止蛩與蟹讀書弟盍勉飲酒吾難割韓  
碩園詩稿

卷二十七

二

杜百代師後人賴津筏經籍浩烟海其中耐穿掘努力  
繼青箱遺編究砉砉倡道矧宗工晨夕許參謁朋舊多  
豪賢詞場競勲伐雅志惟縹緗餘事或劖劂文字互講  
求願以逮身歿話長杯頻行高興轉欲發三九盤非貧  
十千錢未竭喝韻將豪吟隸事儘嚴罰今夕情偏深嗣  
茲會莫歇南頭屋大佳相期屏殺核便當攜兒過桐陰  
看涼月

次谷弟屢示新詩柬之

蝸廬窮老竟如囚要覓羊裘轉自羞族舊也思花萼集  
兄弟壁存那覓鷓鴣裘青銅鏡照難爲髻白玉杯浮莫  
破愁獨喜老來詩伴好卯君我已欲低頭

前宵

前宵纔上浙江船劇喜長風破巨川日暮烟帆如鳥過  
歐餘山色正蒼然

上吳興郡守蘭次吳公四首

誰從槐市冠羣英國士延州莫抗衡內院才華高內史  
中朝聲望重中兵一麾且奏三年績五馬聊爲六月程  
竚望璽書徵治行吳公行復最西京

白蘋亭畔景清華襦袴謠成樂足誇曉日一庭惟鳥雀  
春風萬戶有桑麻菰城酒熟剛開閣顧渚茶香正散衙  
回首鄉園同勝地不須惆悵少瓊花

名郡名賢並快哉前人遺蹟儘徘徊豈知小杜重遊到  
碩園詩稿

卷二十七

三

不比鬢蘇暫往來嵐氣最宜侵彩筆水光偏愛入金杯  
亭臯隴首多新句那數當年柳渾才

韓園文酒客如萍

韓氏園亭甲午冬  
子與蘭次定交地

車笠盟存感獨銘

身賤敢煩詢契濶情深何待訴飄零遙從鈴下思顏色  
預擬燈前引醪醑料得山光苔上滿使君雙眼與俱青

再贈蘭次二首

苔溪比屋頌陽春紫馬風流紫禁臣

右軍守吳興乘紫  
馬人呼紫馬太守

作吏忙惟搜古蹟論文懼更接佳賓扁舟泛漾常攜酒

雙鶴巡階不避人最好郡臺宜嘯咏吳山今正屬吳均

碧瀾蒼弁總湖山太守清風不可攀三載政方銀管燦

一庭娛復綵衣斑

石葉昆  
仲輩

文章鸞掖名先重亭榭鷗波

意獨閒自古神仙多吏隱那須丹藥駐朱顏

蘭次五袁生日作

### 山行偶吟

孤興忽已發高秋適初曙雲水淡相遭郭外少塵慮寒烟出漁邨長風起松樹閒觀石壁題行行入山去

### 題卓火傳傳經堂四首

孫國孤臣傳精忠說侍郎雲初能濟美理學已流芳湖月臨書館峯雲入講堂一經傳五葉誰不羨青箱

苔雲雙流合迴環地自佳青山依傑閣綠柳映深齋祠內人三世橋西水一涯典型今若覩瞻仰挹高懷

小築仍遺趾幽棲自盛名人欽黃叔度學重鄭康成堂構孫猶子箕裘弟更兄滿籬金縱好較此一毛輕

### 碩園詩稿卷二十七

四

聖代爲儒者推君奕葉賢縹緲前輩輯琬琰後人鐫籤軸齊千架香燈迴百年風流應不數史學漢遷談

### 峴山次吳任庵司李韻

嶙峋怪石插中流亭榭剛逢宿雨收山郭吹烟連萬瓦邨灣漁唱起扁舟峯迴浮玉嵐光潤路入窪罇樹影幽此地轉思羊叔子襄陽峴首昔曾遊

### 署中三景次越辰六原韻

蘇仙仍逸韻李守尚風流詩詠芳菲處

陳令舉有芳菲園詩六客中一

也觴飛笑語中曉山簾外翠夜燭座間紅漫憶南園會賓朋數亦同

慶曆中知州事馬尋嘗宴六老於南園

六客堂

遠近山皆愛尤奇在眼前朱欄千里目碧樹萬家烟塔

倚孤雲立湖如一鏡懸登臺看不足把酒話當年

愛山臺

能助臨池興茲亭景物幽墨痕醮影離杯色菊英浮金

石藏何在龍蛇字不留

坡公所書亭額爲前守好事者取去

風流莘老蹟

名勝亦堪收

墨妙亭

孟冬二日吳蘭次郡伯招同宋荔裳觀察于鱗斯

郡丞暨白仲調鄧孝威孫坦夫介夫泛舟夾山以

停車坐愛楓林晚霜葉紅於二月花平聲爲韻得

林字

溪流沿處得楓林畫舫經行趁夕陰最愛湖山成勝事

卽論絲竹亦清音謝安棋局陪高興陸羽茶鐺助苦吟

天與烟波供地主百壺寧惜屢相尋

碩園詩稿

卷二十七

五

愛山臺蘭次郡伯席偕宋荔裳觀察謝星源司李

暨鄧孝威徐碩林孫介夫陳子壽苑載馨羅弘載

賦得今日良宴會

今日良宴會振策登高臺烟巒足娛目野色蒼然來軒

窗富遊攬滿引黃金壘名彥羅四筵詞賦皆驚才長歌

送西輝笙歌以徘徊須臾圓魄升張燈益心開緬懷昔

賢人此意何悠哉

又分韻得二蕭

郡閣開文讌驚看萬木凋青山淹旅況紅燭破寒宵酒

正行三雅歌方奏六么擬窮蒼雪勝明日更湖舫

題顯化寺次袁胥臺先生原韻四首

殷康亭子今猶在，苔水長如漢水清。  
綠樹四郊圍野岫，青山一帶接高城。

芙蓉極目峙層霄，吸盡銀濤孰釣鰲。  
天矯峯雲晴不斷，蒼茫湖月暮將高。

荒涼梵剎俯清漪，弔遍前賢酒一卮。  
逸老壇存雖可喜，

讀書樓廢也堪思。

胥臺先生寓處  
名胥臺讀書樓

閒看竹塢僧歸晚，身立殘陽古渡前。  
料得寺鐘剛欲報，輸他漁艇已先眠。

### 法華山即事

籃輿彩鷁共徘徊，十里松聲到寺來。  
說偈偈僧唯拈白拂，

巨瀑師卓錫於此題名客自踏青苔。  
亭中湖入光連樹，山頂雲

頽園詩稿卷二十七

六

開影落杯畫壁，摩挲餘勝賞夕陽。  
何事忽相催

### 法華山又得四絕句

石斗名傳古寺碑，弁山東轉勢偏奇。  
英雄荒塚無人覓，

醉酒空思太史慈。

法華靈蹟自蕭梁，白雀名猶舊講堂。  
一剎那成千載事，

底須瓢袖坐禪牀。

石函童子舌蓮花，名勝崔張句並誇。  
愁絕魯公碑不見，

斷垣衰草總堪嗟。

競借東坡昔日靈，紛紜寺額與碑銘。  
山寺有東坡石刻曰九曲池曰青蓮

峯曰飛觴大抵皆附會耳我來頗嬾觀遺蹟，  
只想松根掘茯苓。徒倚

長松下欲掘茯苓親洗  
晒此坡公法華山詩也

戲贈二首

素質參紅分外妍，青衣穿袖立翩翩。金尊行處賓皆醉，玉樹生成我亦憐。

最羨風流屬使君，添香半閣酒微醺。吾家舊有吳興守，墨瀋曾濡白練裙。

南潯鎮張士誠曾築城於此

此地留餘歎，張王霸業空。苔溪山遠近，笠澤水西東。魚

稻仍千戶，烟波正萬重。郡城樓櫓壯，重築亦潘公。湖州府城

乃潘原明所復築，字文子貞為記。

廉州兄先歸自馬軍巷遷寓花樓橋仍依介夫

辛秘橋頭路忽分，花樓橋本名人依橋，唐刺史辛秘所建。登樓應復耐斜

碩園詩稿卷二十七

曠吟成送別，留空巷洗盞寧堪望馬軍。洗盞開嘗對馬軍，杜句也。借用。

蘭次使君招同宋荔裳觀察顧樵水黃庭表孫坦

夫介夫越辰六家仲昭子側遊道場山歸舟宴集

即席賦送觀察得長字

方歌東山履蘭橈，又夕陽拍浮杯綠蟻宛轉曲清商。刻

燭驚三寸分帆帳，一方相期成醕酌。莫負夜月初長。

想想園歌 有序

想園者廣陵廷評孫新庵先生所命名而圖之

者也。今子吾友坦夫益為想想園用誌孺慕同

人詩文盈帙，予亦系以一歌。

孫郎蘇門長嘯徒，示我想想園之圖。後列詩文若干首。

披靚姓氏俱名儒奇哉卷帙如束筍孝思不匱能相準  
綵服趨庭事已非廷尉風流猶未泯却憑毫素寫胸襟  
指點虛空路堪引圖將玄圃並滄洲神妙難忘顧虎頭  
泉石烟霞森在眼宛然西極化城遊追邈當年棲逸志  
忽從朝市憶菟裘宦情本微俸錢薄人生舉步成拘縛  
但說尊鱸興總高安得名園恣盤礴分明無地起樓臺  
拍手還歌歸去來意匠經營最超卓某邛某水聊徘徊  
世間有因即有想八萬四千盡迷惘大地山河一信中  
阿誰解脫蛛絲網想到窮時始證禪婆娑風月自翩翩  
樂天那須誇履道贊皇安用誠平泉乃知世事皆園比  
蒙莊竺乾饒至理九州外復大九州達觀應亦如斯耳

碩園詩稿

卷二十七

八

陵遷谷變幾番新此園寧與俱埃塵雞犬桑麻何處覓  
寓言絕似桃源津醉鄉更羨東臯記吾欲誅茅住卜鄰  
歸雲庵次前郡守白雪吳公韻六言四首

十里青松樵徑一堆黃葉僧家曾記皎公詩句橫山渡

口開花

唐僧皎然懷寄闍士和詩云二月湖南春草遍橫山渡口花如霽相思一日在孤舟空見歸雲

兩三片庵之得名蓋出於此

遮莫青山可愛看山難得人間羨殺焚香洗鉢寄居茅

屋三間

白塔門前高峙蒼崖欄角平分落日挂瓢堂畔疎鐘敲

破晴雲

太白山人何往一杯試酌西風遙想羽衣笙鶴月明還

過山中

別介夫

與子又成別百年能幾何  
蘋洲歡偶過婁水望相過  
骨月交游少江山歲月多  
可堪湖水在取次碧春波

昇山四首

漁歌欸乃水潺湲  
柔櫓聲中第幾灣  
八里店前仍十里

吳興東郭有青山

右軍登覽語猶留  
峴首羊公共此愁

謂羊太傅棄陽也

恰配東

山謝安石賦家曾說並風流

趙松雪吳興賦云前有玉謝周虞後有何柳顏蘇風

映流五

歐陽亭子已千年  
烏氏遺居漢代傳  
記取前賢張羽句

碩園詩稿

卷二十七

九

道旁秀色儘堪憐

張來儀詩昇山橫道旁秀色佳有餘

烟波淼淼白鷗飛  
萬頃波光接翠微  
想到太初吟眺處

斷虹收雨挂斜暉

斷虹收雨青山出孫太初登昇山句

蓮花莊趙松雪故居也

佳名堪配碧瀾堂  
勝境猶存莫氏莊

昔為莫氏業

百頃錦雲

花菡萏一灣寒玉水  
汪洋輞川墅廢空  
蒼蘚梓澤園佳

自夕陽芳草王孫南宋事  
那堪回首月湖旁

飛英寺家子側孝廉寓次趙松雪韻

崔巍此地唐朝寺  
微雨東坡昔亦過  
共喜神交同姓侶

不愁窮況異鄉多  
映檐山色圍青玉  
遶郭湖光剪翠羅

把卷僧房堪諷詠  
世途誰說有風波

平望鎮

平波臺畔布帆遲，橋到垂虹更可悲。  
吳越山川分壤地，蓬窗獨寫倦遊詩。

吳興雜興次先舛州公原韻七首

一水程非遠，三冬序忽新。  
澱湖猶昨日，霽水竟連旬。  
青白窮途眼，丹黃病客身。  
惟憑詩卷在，稍潤旅囊貧。  
水晶宮裏佳景物，本堪誇蓮渚香。  
爲岸蘋洲水是家，玄真能樂釣桑苧。  
慣顛茶高士，逃名處吟懷覺倍奢。

唐代推嚴暉，花前愛酒濃。  
五湖名不沒，七字秀曾鍾。  
不見詩人宅，誰傳處士容。  
因思皮陸侶，日暮倚孤松。

高隱玄真子，幽棲地莫知。

太守吳公嘗過西寒山訪玄真舊隱處不得

釣徒

碩園詩稿

卷二十七

十

誠足樂，謫尉豈堪爲。  
蓑笠前朝事，烟波異代詩。  
五湖如理艇，還擬逐鴟夷。

最喜相攜往，烟林映郡城。  
香臺雲外迴，畫槳月中輕。  
麈尾亦堪供，戴編皆可作。  
羹今朝，真不負，載酒看山行。

憤王曾此住，魂魄想歸來。  
殘堦碑三尺，

項王走馬埒在下

荒祠

酒一杯，人疑虞帝裔。  
歌並大風才，昨遇彭城客。

徐子碩林登

臨浹各催

沈寓搜棲逸，遺編泊宅傳。  
五亭猶亂石，三磴自荒田。  
作客餘登眺，移家足醉眠。  
迎春門外路，幾欲逗歸鞭。

慈感寺訪潮守蘭雪吳公

樹老自生風，僧廊落日紅。  
欲尋今季子，却憶古端公。

寺爲

唐乾元間  
端法師建

黃葉堆門外青山墮閣中  
清容軒子記先德

仰無窮

清容軒在寺中先弁州公  
宦吳興曾作復清容軒記

窪樽亭口占戲畚家子側二首

名泉自古擅山東肯與吳興勺水同  
陳迹不須思左相  
避賢樂聖總成空

石上窪樽在近郊次山銘序儘堪鈔  
偶然記得蘇黃句  
也與湖人一解嘲

殘冬尚客吳興有感

白塔紅亭足勝觀其如蒯缺旅中彈  
浮雲震澤依然潤  
積雪蒼溪幾夜寒不愛猪肝憐故舊  
尚貪雞肋怨湖山  
眼看烏榜連宵發肯信吳興作客難

碩園詩稿

卷二十七

十一

碩園詩稿卷二十七

終

碩園詩稿卷二十八

巳酉  
庚戌

東風二首

輕漾簾櫳軟拂苔分明解凍氣初回只看撲面曾經過  
也算東君解愛才

花信山茶與水仙小樓四面晚晴天吹來牆外兒童語  
大好明朝放紙鳶

清明日上墳作四首

萬家守冢已難期世事剛成誓墓辭奠罷椒漿餘慟哭  
那堪重問蓼莪詩

鍾山風雨護神靈麥飯今無淚暗零二十四年寒食節  
何人曾與種冬青

碩園詩稿卷二十八

今古銷沈志士難但留杯土北邙看首陽山側要離近  
孟博堪悲更伯鸞

涼烟白草紙錢灰滿目纍纍盡可哀倘道學仙能免此  
令威何事更歸來

邨行口占示兒輩二首

老去原因惜物華愁中領畧猶猶賒禁烟節過常多雨  
賣酒家稀僅見花菜圃正黃籬不隔柳塘皆綠屋難遮  
奚囊詩料無如此說向兒曹也足誇

四十三年擲歲華愁來還賴酒能賒後筵噉飯脾仍健  
短檠鈔書眼未花久料空囊遊偃蹇尚思故友話周遮  
豪吟敢望張公子千首詩成且自誇

得盧文子倪闇公書

方接雲間客隨開白下書春帆潮落處夜雨夢生餘御  
李緣非淺投桃報每虛何時文字飲同話兩雙魚

遣悶

頭顱詎料竟如斯也莫傷心爲髻絲夢裏江山千卷史  
老來風月數聯詩有常莫問人通介各半何妨體黠癡  
自喜天真違世事眼迷蝸角儘便宜

連夕讀陶詩偶成

彭澤歸來味甘義熙甲子了無慚先生自序去官以  
乙巳歲實義熙元  
年史作  
三年候閒宵細把遺編考是歲先生四十三今年正四  
十三歲

康樂東林事異同知從蓮社證真空新來吾亦逃禪者

頌園詩稿卷二十八

沽酒何人學遠公

自是杯中物可憑五男紙筆好何曾不須責子同元亮  
已見生兒似景升

鄰曲冬春孰姓龐但云止酒氣先降獨奇夏月清風至  
一卷陶詩正北窗

介夫見訪下榻齋中八日有懷吳園次郡伯時吳  
方挂吏議

苦雪俄成客歲遊到門今喜有扁舟都忘剡曲三春隔  
尚少平原兩日留方話臺前曾積雪吳興署中愛山  
臺雪後偕飲忽

驚榻畔又螢流故人誰白鄒陽枉回首綈袍轉欲愁

齋中小飲同九日鼎先別介夫

窗前急雨乍翻盆明日河梁此夕樽醉後文章能放膽  
病中離別易銷魂介夫方病咯血又驚才子陳琳出禹先最喜高人許邁存九重會共期今歲事青齊莫久滯征轅

細雨

霏微暮色到窗櫺方作廉纖正未停地濕只從杯內看  
聲稀難向竹間聽堦心泣處惟留草池面飄時偶約萍  
今夜客愁同點點冷風吹傳一燈青

病榻

蕭齋病榻忽如秋酒盞書籤可自由每厭夢頻迷鄭鹿  
更嫌氣欲喘吳牛灰心且作無生會蛻骨難將不宛求  
剩有子荆長繫念謂介夫他鄉藥裏倍堪憂

碩園詩稿

卷二十八

三

次馮庭表移居原韻

居然城市勝烟蘿風月平分也邵窩齋冷帷披人却在  
門深徑掃客方過豈因僻地逃詩債雅稱閒身却病魔  
屈指菰蘆非久卧掩關發篋肯蹉跎

銷愁

張竦陳遵事莫求鄭泉百斛好銷愁酒箴瓶賦何須較  
且愛陶家土一坵

歲暮漫題

不曾講學與談禪自信胸中亦灑然荒邨三冬何足悔  
且將筆墨待新年已上酉

新春用泌兒韻

楊柳綠將齊春烟入望迷酒闌方把卷吟就始尋題人  
世何喧寂鶯花各笑啼漫聽童子報燈火滿街西

靜坐

興來筆墨有餘歡靜坐心胸也覺寬脚氣未痊猶緩步  
頭風初愈已甘餐蘇公路自三叉口白傳居仍八節灘  
莫道頑軀無住著酒闌香燼一蒲團

弇山園看紫藤得四絕句

重重春色鬧蜂衙廢圃藤陰儘足誇芍藥滿郊猶未放  
詩家何事喚餘花

蕭嵩詩餘  
花發紫藤

粉壁朱欄映帶宜學山園裏賞多時蕭疎却得叢篁襯  
此地看來倍覺奇

碩園詩稿

卷二十八

四

傑閣銷沈幾十春名花栽得又翻新色馨香味俱稀有

尚是祇林舊種因

其地爲藏  
經閣故址

紫雲宮裏景清幽也許紅裙逐勝遊只爲香風曾入咏

至今猶得美人留

是日多遊女故  
戲引青蓮句

即事

六月初旬五月盡急雨剛過北風緊幾點流螢似星隕  
浴罷牆西唱蚯蚓病體清羸不勝酒獨喜燈前少塵坌  
閒攜柳栗遶廊行天畔輕雷猶隱隱

雨

霖潦休愁中伏頻東郊不雨已盈旬驅蠅正賴飛銀箭  
簷溜聽來自快人

初涼偶閱東坡寒熱偈

本來無熱涼寧有涼後翻思熱若何畢竟炭灰俱是火  
欲持此偈問東坡

中秋夜作

再著麻衣夢已無棘圍遙想罷伊吾自傷冷坐何因醉  
中秋冷坐無因醉東坡句也獨展殘編對大蘇

家子祥別駕自分水過婁特敘宗乘喜而有作子  
祥爲司諫公二十世孫

名垂宋室八朝書

司諫公事實見八朝名臣錄

吾祖遺慶自有餘文

獻足能徵氏族山川秀獨聚門閭還從相水分源處直  
邇臨沂得派初自是烏衣人物好風流今日尚簪裾

碩園詩稿

卷二十八

五

上燕臺張黃門爾直先生

世皇初年混八荒搜羅杞梓兼琳琅我公奇才起畿甸  
弱冠射策登巖廊南省東曹掌封駁班心突兀身昂藏  
剖腹輸丹念根本欲令致治追虞唐賈誼書嘗陳痛哭  
張綱志必問豺狼制獄當時重鎮撫堂上坐者翼而虎  
飛書造密募羣奸憑依城社生風雨叱咤無如緹騎尊  
株連莫犯金吾怒二正胚胎神廟終專工羅網何闇豎  
最痛精忠楊左儔冤魂血汗圍靡土前朝覆轍尚相沿  
侍從袞袞皆英賢吞聲誰敢訴冤慘不爲仗馬爲寒蟬  
公獨慷慨籲丹陛校尉勢燄幾薰天微臣昧死謹上狀  
乞嚴禁革收其權詔下奏章付廷議尚書臣等僉曰然

頓迴雷霆灑雨露萬方帖席民安眠君仁臣直欣茲日  
瑣闥朝夕仍雙筆讜論惟知報主恩訐謔總是原儒術  
忌諱都忘竟喻秦公簡法寬刑一疏直云連坐起於秦時苦語危辭難備  
迷房魏於今復覩公即稱婁宋寧堪匹方慕鷹鷂下奮  
揚肯容烏雀猶逃逸福緣投鼠遣猶輕浮雲暫爾埋精  
誠據鞍矍鑠齒非老折檻嶙峋心未平偶爾吳中止車  
騎吳也何幸陪杯鐺諫紙輝煌映星漢燈底快讀聲旬  
旬懷沙哀郢那足道泰山北斗欽芳名大蘇海內誦文  
字小范胸中藏甲兵二十三載久高卧再起會見因蒼  
生

復理選事賦以自嘲四首

碩園詩稿

卷二十八

六

帖括銷磨十四年朝來行復展陳編非關尚欠名場債  
只爲爐頭要酒錢

曾記文壇掃地盟章

素文

盧止敢望一時傾丹鉛今日誰

同調轉覺吾衰畏後生

代他人作嫁衣裳此語從來最可傷那更嬾閨燈火夜  
重拈針綉繡鴛鴦

花樣休嫌取次翻葫蘆甘畫更何言從今市上懸金購  
不望雞林望兔園

東黃頌傳

頭顱到此總堪傷轉憶風簷屢雁行文字有靈仍遇合  
英雄無路獨悲涼碎琴自古知難覓破甑於今願易忘

我已酒徒銷昔夢近聞選佛有科場

再柬頊傳

老來世味飽更嘗一領青衫莫較量最喜河魚聊爾愈  
子初病起那愁塞馬忽然亡盛衰也自憐京兆醉醒還輸學  
太常失路幸留同志在且看竿木鬧優場

兩承雪茨上人贈什媿未嘗答走東二絕

曹溪一滴得真傳好句誰云碍却禪最愛道人吟賞處  
澗湖烟水夕陽天

淨因仍喜結湯師三載重來會面遲  
兩過資慶訪鮑照上人相遇  
敢誇能擬古自慚已少碧雲詩

貧病

碩園詩稿 卷二十八

七

兩月沈綿賸此身秋風吹更髻生塵貧惟戀我原因慣  
病欲欺人不厭頻趙壹囊空悲萬卷宋清券少憶千緡  
北窗向夕蕭蕭雨卧聽惟應益滄神  
已上庚戌

碩園詩稿卷二十九

辛亥至乙卯

王正四日立春飲孝威齋

春朝原喜正新年  
況值心交滿  
眼前酒必害  
深方免俗人非頑  
極不成仙  
黠癡莫辨三公瑾  
子傲孝威  
歌哭誰如兩仲宣  
鴻調與子  
更愛南州高士聚  
徐枚從左更東白  
儘宜傾倒話

當筵

次夕飲孝逸齋

相過南北周皆好  
把酒論文自斐然  
世上無如兄弟樂樽前  
難得主賓賢  
雄談吾愛盲張籍  
周臣  
沈飲人推老鄭虔  
子傲  
獨笑卯橋詩客嬾  
正當佳會却高眠  
期九日不至

人日偕九日計登飲黃子嘉錫齋得陽字

碩園詩稿

卷二十九

剪綵逢今日開樽共夕陽  
天應多雨露人似過風霜  
嵇呂交方合羊何興正長  
不須悲老驥梅綻正寒香  
上元前後數夕雨雪至二十三日燈火方盛

燈火連街更蹋歌  
兒童金鼓喜陽和  
那知陡作漫天雪  
肯信真同鷲地波  
煎餅乍過春不覺  
正月二十三日俗以煎餅置屋上名補天  
傳柑已舊夜如何  
女媧幻蹟前朝節  
相傳女媧是日補天宋以前呼為天穿節  
缺陷從來補正多

賀天士吳弘人先後過訪

蓬蒿門巷無人過  
空谷聞音事頗奇  
快士賀循歡乍別  
舊交吳質慰相思  
菰城最憶呼樽夕  
燕市難忘上馬時  
剪韭兩番留不住  
祇將後會話臨歧

春江

春江一棹正呼杯風起俄驚雁鷺哀笑殺舟人蓑笠晚  
山昏纔覺雨聲來

晚泊

綠酒蓬窗把湖波映不窮艣枝從晚泊帆葉待長風蠶  
浦期寧爽茸城棹竟空懷人回首處剛對夕陽紅

功課

功課全拋已過春又看肥綠一窗新粗衣飽飯常無事  
南陌東阡況有隣悟後逢詩知眼目老來憑酒出精神  
更奇自換前銜好香積厨邊說夢人

萬事

碩園詩稿

卷二十九

二

萬事闕來俱客裏醉中獨欲賦歸來誰如五斗生漚外  
更有陳王八斗才

子存從叔勤脩白業東之

茶鐺香碗息塵緣閉戶誰知大阮賢好酒淵明仍入社  
能詩摩詰正參禪共知淨域身瀟灑自恨文人業罽牽  
何日青鞵隨拄杖對拈半偈坐年年

初夜秋坐

候蟲鳴遍又堪聽隆暑纔銷月半庭推枕乍拋團扇白  
開編重見短檠青愁來不作悲秋客病退仍如坐夏僧  
寂寂那知佳節過怕聽兒女說雙星

少年

少年才氣頗飛揚名士江東也擅場琴價千金陳伯玉  
酒懷一斗馬賓王無成綠蟻逃堪痛有恨青蠅弔易傷  
今日更翻新活計藥爐貝葉一繩牀已上辛亥

清明墓祭

休言吉地有牛眠拜畢先墳也自憐住處可能如幻起  
築來寧敢象祁連劬勞恩重身難報伉儷緣空夢亦牽  
倘得茂林深柏在千年吾豈恨重泉

贈龍眠程虞奏

虞奏爲奉常立庵先生小阮

奉常聲望紫宸邊盡說河南道系傳謝氏已推安石重  
阮家仍見仲容賢人因磊砢偏如玉筆任縱橫總似椽  
斲看漢廷三策獻曲江裘馬正翩翩

碩園詩稿卷二十九

三

送虞奏

龍眠才子最英奇執手何堪遽別離婁土猪肝無俗累  
燕臺驥足有前期江淹文彩原千載在潘岳風流自一  
時蜀藻勝地名賢心折盡送君益復重相思

讀憲副大可錢公所脩釣臺集次原韻二首

公爲前嚴

守郡

山水桐君在風流豈待旌紫鱗高士饌赤伏故人情自  
覺夷齊重寧知管葛輕謝翺曾過此有淚忽然傾

不使客星晦偶然因著裘何期賢郡守重輯漢春秋祠  
古仍遺像江寒自急流開編臺儼在何必釣灘頭

廉州兄以佳酒茉莉見惠

吾家康樂殷勤贈對使開緘意爽然酒是醞酬能證聖  
花如簷蔔自通禪書齋已自欣杯蟻妝閣何須怯鬢蟬  
畏暑此真逃暑具旅懷翻憶武邛船

兄將入郡

### 酒罷

飽知世事別無營酒罷匡牀午夢縈鄧郭金錢看赫奕  
蘇張口舌聽縱橫三眠作繭徒然縛一擲成盧也未贏  
獨愛洗觥剛月上香生茉莉滿庭清

### 憶昔二首

萬家室盡事如何憶昔空傳老杜歌種穀田成流血地  
那知筮楚勝干戈

撫字仍能寬國憂六年白守繼錢劉眼中此地曾良牧  
碩園詩稿卷二十九

元道州還陽道州

### 戲呈諸禪老四首

也知魚樂樂非魚切莫騎驢又覓驢昨夜雨晴天忽碧  
喫完殘酒罷看書

何曾濁水見摩尼老杜當年說有之倘問甚深微妙法  
各人痛苦各人知

木樨香裏舊機緣盡說涪翁絕妙禪更欲替他添註脚  
平生孟飯與橫眠

山谷詩佛事一孟飯橫眠不學禪

安閒好箇張天覺却爲顛顛自惹惹我也有篇無佛論  
不知草稿可曾留

### 小極

不堪小極遇天陰宛轉投牀悶轉深羸瘦易移愁帶眼  
蹒跚難到怕庭心時方病足酒腸乍窄猶嫌粥書課多虧并  
廢吟幸得安禪新有法醫王處處得相尋

即事四絕

閉門書卷任縱橫聽雨剛逢酒乍清屈指來旬方白露  
不妨檐溜作秋聲

三椀松蘿酒後宜

坡詩云枯腸未易禁三椀正不必學盧仝也

半因肺渴半

因詩茶如可毀何須論欲笑當年陸季疵

硯池濃墨貯猶新揮灑篇章恰一巡問字日來差足樂  
莫嫌載酒更無人

槐黃時節不多遭賺得星星上鬢毛刮盡文人心上血

碩園詩稿

卷二十九

五

西風又見利如刀

邨莊即事

晏起炊先熟晴窗景色幽籬邊雞隔膊屋後鳥動翰稻  
蟹猶田舍尊鱸自釣舟數椽零落地空說舊菟裘

吳夫人五十詩吾友菌次郡伯之配也

蘭閨能振柏臺聲五馬門庭喜更盈風雅豈惟追道韞

神仙自合侍雙成伯鸞暫隱非終隱三鳳齊鳴早一鳴

共羨麻姑春醞熟傳柑時節正擎觥

已上壬子

上巳日楔集書城叔心遠堂得脩字

喜值重三節吾家楔復脩歲華新癸丑

蘭亭之集乃晉穆帝九年癸丑

人物舊陽秋座滿能無詠觴飛不待涼雨餘天自朗未

厭叫林鳩

又得羣字

令節偏逢兩

是日又爲穀雨

良朋晤亦羣來仍新舊雨停豈往

來雲擊鉢猶殘晷藏鬪恰半醺烏衣遊可作千載感斯

文

集家廉州兄染香庵看牡丹續上已也得蘭字

芳節相攜過采蘭名花相對復相歡詩鬪乍得愁難押

酒令頻更喜尚寬共擬涼光書畫遣併將朋友弟兄看

百年勝地仍佳會遮莫更深燭欲殘

屢過禪林訪諸尊宿

眼看龍象各爭雄機用難猜異與同咄咄不須誇怪事

碩園詩稿

卷二十九

六

休休那許著閒中蓮從湧出花何在燈到傳時法亦空

湧蓮傳燈二庵名

我自追遊非學佛梅黃柳綠醉薰風

開卷

古人糟粕豈我師開卷銷閒也覺宜欲醉祇憐樽蟻好

空鑽每笑壁魚癡談經偶到無言處中酒仍如未飲時

自喜老懷超脫甚今年不作送春詩

膝前

膝前羅立任癡頑祝到多男自古艱有累也憎妨過活

無聊却賴伴清閒將眠燭在猶思課偶出樽留輒望還

豚犬總由人笑盡儘堪相慰髭毛斑

自料

自料單宜息萬緣課兒還莫是癡顛黃金藥貴偏無母  
白社人稀偶備員五字推敲成昔夢千秋磨洗聽時賢  
晝長獨有欣然趣醒即呼杯醉即眠

連夕酒戰每勝詩以紀之

知已論心仗翹生任他壺榼列縱橫酣時墮憤仍留態  
快處銜枚肯作聲最喜諸公無害馬不妨老子獨長鯨  
年來萬事銷磨盡贏得糟邛主舊盟

衰老漸甚賦以自壯

顛毛種種負初期百鍊鋼猶未肯移胡廣固知成糞土  
曹蜍寧敢噉狐狸磨方自昔將穿硯拈著從今不敗棋  
窮老不愁無計策伏波快語是吾師

碩園詩稿

卷二十九

七

仲冬望前三日兒必訂及門諸子會文軒中漫成  
二律併令能詩者和之

文酒縱橫並出奇臯比吾獨愧人師三餘宜惜何須問  
五色終迷未可知射虎事雖成隔世雕蟲技尚記當時  
自慚賸有青氈戀不作陶潛責子詩

燈火蕭疎夜向深何妨撒卷更豪吟升堂共發絃歌興  
開卷如聞山水音他日定知稽古力此時方勗斷金心  
河汾事業須君輩好把遺編次第尋

至日偕朱君仇池飲書城叔瘞硯齋中分得堂字

二首

將老陪耆碩談文快此堂心開書滿架魄落醉爲鄉杯

恰宜三雅時方復一陽竹林遺事在儘許仲容狂

書雲原令節鬪字況清觴雪色方垂野爐聲正沸堂可  
無公叔感聊免仲宣傷縈想惟鴻雁燕臺路亦長

已上  
癸丑

忽思

百畝原宜老一犁草堂聊作浣花溪忽思雨笠烟蓑夢  
難忘僧房驛壁題高興江湖多白鷺勝懷柑酒亦黃鸝  
人生何限行吟處那慮詩囊乏小奚

聞警書感二首

從來逐鹿要爭先半壁誰容各晏然粵徼瘴開俄鼓角  
閩關風靜忽烽烟沈沙折戟三分話濁酒殘燈五代編  
吳蜀李錢多少事可堪成敗決今年

碩園詩稿

卷二十九

八

貧賤侵尋復亂離自全無策慰相知驅馳未決從軍志  
息偃終淹避地期王粲登樓仍覺遠袁閔築室已嫌遲  
祇應鉛槧殘緣在強課門生強課兒

弇西池上觀荷以醉把青荷葉狂遺白接羅平聲  
字爲韻得青字禁用烏衣白社竹林河朔芙蓉菡萏

菡萏字

香氣遙聞處紅芳照小亭蟬移千樹碧萍雜半池青客  
正宜三雅家方出一星

謂遠  
心弟

羽書何處急雙耳不曾聽

是夕即於染香待月以竹深留客處荷淨納涼時  
平聲字爲韻得涼字禁亦如前

普天方戰伐此地足羲皇虛閣因風迴清谿得月涼醒

醉各成適廉州兄不飲主賓都已忘簷頭貪夜話肯怯漏初

長

王鶴尹鶴來堂偶集得春字

賓主聚無因新秋况似春披襟時正好投轄意何真暫  
遣烽烟悶全消襍穢塵庭梧知此意相贈露華新

借王鴻調家次谷訪筠南二上人於眉照上人之

準提庵得時字

六逸會今日一陽生此時喜聞支道語驚把惠休詩窗  
淨茶方淡堂深磬亦邊空王同禮處塵世不須悲時方有悼

亡之感

集誦侯齋得池字

碩園詩稿卷二十九

九

勝地分明勝習池况逢賢主又僧彌老來情事非今日  
亂裏風光尚昔時鸚鵡杯深歌正急鴛鴦絃滑酒偏遲  
人生行樂今何夕酌酎休辭席屢移已上甲寅

集李凝庵學博齋看梅以文章千古事得失寸心

知乎聲字為韻得文字

得閒偶造談經席不覺春風四座分酒意似添窗外雪  
笛聲欲化隴頭雲五旬吾愧高常侍子時年四十九座容為高子子型

三絕人驚鄭廣文烽火極天何必問同吟聊喜送斜曛

舊守中州蕭公來婁寓隆福蘭若借兒子必攜酒

過飲以李義山詩陶令去官後仰眠書屋中平聲

字為韻分賦得官字

此夕過蕭寺一燈相對寒情深從泥酒望重在休官已  
矣民生促時乎古道難不堪搔首立星斗自闕干

客有訝予瘦者口占答之二首

清虛來更不須疑渣滓原應日去之相見莫嗟腰帶減  
瘦狂端的勝肥癡

雞骨剛宜兩髻斑儒癯方喜稱衰顏吟肩雖聳詩非苦  
一任君嘲飯顆山

生平

生平吟灑興麤豪欲究遺經首重搔學筮固知逢遜卦  
讀詩惟擬繼離騷窗前香炷心原靜燈下書籤夢亦勞

自笑三冬非此夕春花將落月將高

巳上  
乙卯  
十

頤園詩稿卷二十九

碩園詩稿卷三十

戊午  
巳未

忽聞薦辟書志四首

徵書突兀夢魂驚，轉憶當年賦北征。  
庚子歲以急  
徵赴京師豈是寒灰甘撥棄，獨因熱客畏逢迎。  
文章孰意諧時好，猿鶴寧堪背夙盟。  
算到老來妨市隱，一生終悞爲浮名。

聖朝本合下蒲輪，幽谷何期也降春。  
詞苑蕭條慚左席，名場顛倒怯前薪。  
空疎難應求賢詔，老大羞爲獻賦人。  
無論秦淮一別事，從來怕踏帝京城。

雲霄有路未全迷，非是沈冥戀故溪。  
雁序僅存終坎廩，龍門雖峙枉提攜。  
賣文錢可魚離水，結客場真絮入泥。  
聞道上林多茂樹，此身不望一枝栖。

碩園詩稿

卷三十

平生畧有古人風，不悔逢時昔未工。  
骭馱世猶思老驥，逍遙吾已托冥鴻。  
身方憤鼻推原忝，卷詫牛腰語總空。  
寄語洛陽飛蓋客，季鷹只欲醉江東。

遊錫山秦對巖太史園

躡屐名山有勝因，芳園轉叩益舒顛。  
軒亭屢變偏饒古，泉石多奇只爲真。  
樹老肯教爭罨藹，雲深恰遣護嶙峋。  
偶來吾亦能遊賞，總畏長安馬首塵。

孟秋中澣將有白門之行爲泌兒就試也

不作秦淮客於今，五秋無家非復別。  
有子却多愁費接，金波麗江催玉露。  
稠祇因吟嘯地，匝月可忘憂。

舟次即事

何地無秋氣經過屢斷魂林深帆忽滅烟冷埃空存蔽  
日樓山鶻吹滌浴浪豚酒杯吾亦厭惆悵欲黃昏

江行

金焦天與雙龍角白石人稱一虎頭舊見沈啓南有金焦二山圖先奔州

公曾爲快殺蓬窗開眼孔江山圖畫片時收

晚泊二首

斷角聲隨暮雨聞邨酤還勾了斜曛莫嫌連日無供給  
不斷青山不斷雲

蕭蕭蘆荻皆秋氣莽莽波濤競北風酒半停舟宜晚步  
怕聞樵牧話英雄

十四早示必兒

碩園詩稿卷三十

落第生平慣如兒吾豈圖未應誇蹀躞詎可厭菰蘆則  
固非因璧操原不是竽貂裘雖有淚慎莫灑歸途

江風

偶因風浪住舟聚忽成邨蘆荻栖仍穩魚蝦買亦喧人  
情同酒薄客思逐雲昏衣上今宵露低徊想故園

雲間道中

滄江波自碧目極倚微醺橋影圓如鏡山光淡若雲人  
家方日落道路正秋分最媿風塵裏漁歌飽更聞

家兄農山先生留飲二首

宗袞茸城重從來感受知敢云龍性在屢見鳳毛奇教  
誨真前輩言談及小兒必兒最蒙契賞華筵非濫廁霑醉復何

辭

趨陪公未老慰藉我方窮稍幸憑飛雁終傷任轉蓬燕  
吳千里別兄弟一樽同更話延陵劍潸然夕照中時方感悼

錢寶汾中翰之歿

重陽日飲子傲署齋

忽憶登高日神山又七年

壬子此日諸乾一進士曾邀子與子傲登高於神山那

堪萍梗迹更值雁鴻天行色難忘酒秋聲總到船老來  
中表在別淚各雙懸

錫山

滿天風雨過閭闔昨晚停舟未解顏誰道今宵晴萬里  
推窗閒看九龍山

碩園詩稿

卷三十

三

偕蔡二九霞渡江即事口占示蔡索和四首

銷沈今古片帆風擊楫千秋歎賞同回首中原沈陸事  
思量祖述謾英雄

憶別長江僅四旬孤峯浮玉過仍新翠霞天嬌真奇句  
轉憶當年郭景純

同舟何意侶英賢須信今方濟大川遮莫旁人遙指點  
爭呼元禮是神仙

惡浪狂風片刻收獨留晴晝送扁舟不知天許金臺客  
去作江東第幾流

過揚州四首

隋堤烟柳總堪攀已到江南兩岸山身逐姑蘇城下水

隨風吹得到邗關

驢聲隱隱似相催帆影依依首重回

時水陸計未決

可惜廣陵

濤正好虛傳枚叔有雄才

蕪城極目古猶今何獨參軍具賦心此地那堪過倦客  
白楊衰草正秋深

揚州飄泊又湖州吾亦當年小杜遊十八年來今又過  
不曾有夢到青樓

墜驢和九霞

推敲心苦有誰知大笑何如不語奇

予墜驢時無語

驢背從來

饒故事也堪賈島也希夷

雪

碩園詩稿卷三十

四

透骨寒風劈面沙淮河纔過已堪嗟此行方識燕山路  
九月能飄六出花

落日

落日黃雲角一聲且將殘醉敵嚴程烏栖廢堞兒兼女  
雁落寒塘弟與兄衰病那堪縈舊想羈棲豈是戀塵纓  
鄉心客髻俱寥落未辦含毫賦帝京

阜城縣感南渡時事

宣和殘史恨偏多南渡君臣竟若何王氣不須嗾僞楚

張邦昌劉豫皆阜城人

前宵先已宿齊河

齊河縣爲劉豫僭都處

甫抵京師即蒙

聖諭每月頒賜銀三兩米三斗以候

御試隨偕同事諸公誥

闕謝恩恭紀二首

自天推澤總非常  
草莽纔霑倍悚惶  
玉粒已驚翻倒甑  
精鏐更喜寄空囊  
養賢典埒邛山重  
恤下恩同乳哺長  
應詔自欣今

聖世俸錢何止傲東方

未忝彤墀執戟班  
寵綏孰意尚方頒  
香生白粲珠千掬  
彩映朱提雪半醵  
麗藻固應鏤作管  
雄才還可聚爲山  
獨慚糜祿毫無補也  
逐鷄行覲

聖顏

同徐懷萬勝力葉九來道子送葉澄夏下第南歸

碩園詩稿

卷三十

五

以莫將和氏淚滴向老萊衣平聲爲韻得和字五

首

黃金臺貯俊賢多  
誰遣才人返薜蘿  
天爲連城姑長價  
旁人休擬卜家和

寧因紈扇偶嘯蛾  
靜質幽芳傲綺羅  
歸向清閨堪自賞  
理來清曲托雲和

玉堂趾美定無訛  
名世由來出大科  
歲暮途窮何足恨  
冰霜剗盡見陽和

獨衝落葉渡黃河  
肯學江淹恨碧波  
兩地起居應不異  
好將戲綵待春和

送君賓客意如何  
競唱陽關幾疊歌  
莫道陌頭無別緒

一枝折得自靈和

巳上  
戊午

壽益都相公

秦階端平運蒸祥君臣道合如虞唐雲門嗟哉淄水長  
爰鍾清淑開明良綺歲射策初飛翔鳳皇鳴矣於高崗  
玉塔金闈從趨蹌九源百氏稠困倉芝泥牙管爭焜煌  
能拔鯨牙酌天漿爲世指南稱司方銓衡游登益巍昂  
梗楠松柏窮搜揚因材究奇抗虹梁甄陶孕育心難量  
帝曰密勿爾贊襄俾軍國務皆平章用鞏曆服垂無疆  
手捧羲輪浴扶桑忠規密謨人不詳坐致六合咸殷昌  
我聞卷阿歌令望欲以我公侔名康矧復蘭玉紛成行  
腰間若若懸銀黃庭前相次傳華觴五福備膺誰其當  
碩園詩稿卷三十

六

弟畜范富韓歐陽二十四考中書堂

集毛會侯大令寓齋偕陳其年毛大可允大諸子  
分得雲字

十年燕市酒吳越客同分簾細風仍進燈幽雁忽聞詞  
寧誇白雪交亦感青雲不淺醅醕興諸公總逸羣

送周惟念之真定四首

燕市歌呼共此宵不知明日是河橋偶吟楓落吳江句  
陡覺筵前酒易消

年少辭家尚遠遊發鞍寒月正如鉤傷心我亦天涯客  
却向幽州望鎮州

師門乍別又擔簦

周爲勳  
庵門人

雁叫聲聲感倍增回首聯牀

風雨夜可能無戀老徐陵

謂徐子勝力

不飲醇醪那得知交情公瑾最堪思送君自有無窮想  
豈爲臨風玉樹姿

### 贈馮躬暨四首

高地時賢有如君不可躋家聲加燁赫公望早端倪露  
沃蘭蓀茁風騰駮驥嘶當今名士傳何止冠青齊

傑立平津第巖然思軼羣名方崇令德才好誦清芬和  
璧千金價吳鈞七曜文英英誰與比漢室小馮君

門闕雲霄冠兼之詫寧馨裁詩春草綠開裘夜藜青瓊  
樹分鴻序珠胎出鯉庭從茲韋氏業世世有傳經

共說爲裘重偏驚肯構奇臯禽多逸響山豹有殊姿吐

碩園詩稿

卷三十

七

捉仍前志陶鈞自異時獨慚疎放迹親近闕靈芝

### 送葉道子都尉之任臨清二首

旌榮光輝已世傳崢嶸也要出貂蟬詩書人誦龍韜接

孝友天教雁序聯

兄學亭時爲濟寧僉憲

鳴鏑盡驚弧似月飛書

還詫筆如椽金城方畧行圖上共道營平尚少年

青齊什二表雄疆劇喜干城地正當自古文章能戰守  
即今名將起循良停車秔稻千邨雨下令貔貅五夜霜

會見璽書旌奏計斗來金印出明光

### 讀李義山詩集傷之題以四絕句

忠義才情兩擅場同時溫段可相當雖然青史無佳傳  
莫道彭陽勝濮陽

大戎舊與太牢分翻手何人幻作雲快殺不平成紀子  
故題楚客惱郎君

遊仙什二半閨情也是青蓮許借名割得錦囊新樣錦

一門仍屬玉溪生

白老無文那足疑

義山子名

晚唐人物禮自知後生收拾殘

編內須認冬郎與桂兒

冬郎韓偓小名桂兒鄭畋小名皆詩集中人也

雪後借秦中李子德雲間董蒼水毘陵邵子湘宛

陵梅耦長松陵潘次耕集家阮亭太史寓齋以王

右丞積素廣庭間五字爲韻各分賦五言古體五

章

騎馬踏金隄馬首千巖白入門心忽開歎聚來佳客鮮

碩園詩稿

卷三十

八

耀欲一堂亦見牆隈積俗慮無或侵陶然永今夕

霏霏已成堆皚皚未虧素俄感歲寒姿堦前挺瓊樹灑

迹良自傷徘徊動遐慕幽子邈難期掩扉卧如故

眷言企孤蹤嘯歌激清響桂酒滌餘霾廊虛月通幌析

疑彈古今篇籍羅殊廣高唱並陽春知希有真賞

吾宗氣吞岱昔匠堪分庭羣賢富才力亦足凌滄溟光

芒起檐端太史將占星昔推梁園侶對此慚爍螢

冰玉快相映能浣塵沙顏蓄潤迎土膏矧賴拯民艱分

夜懷正多浹辰興且閒會見開胸襟晴旭盈西山

一紙

一紙徵書豈足憑枉將炎手互相矜孫劉伎倆人皆憚

除志生涯我獨憎且聽笑鵬多斤鷄可堪附驥只蒼蠅  
元龍百尺樓原在其奈諸君不肯登

送翁武原郡丞之任黃州四首

兩傳門閥振青箱喬木依然漢穀梁槐市又驚今仲孺  
棠陰還覆古黃岡

風流黃綬引雙旌三楚將騰佐郡聲父老莫誇江漢水  
較來難比使君清

天教名士爲仙吏勝地江山足嘯歌郡事了時尋舊蹟  
月波樓畔訪東坡

此地連年接鼓鼙即今美政及遺黎

聖朝息甲求良牧定下徵書赤嶼磯

碩園詩稿

卷三十

九

朱信旃出關後攜便面索題即次徐孚若韻

才子文場擅國華戰餘蠶蟻敢誰誇即看鵬背三千里

行數龍頭第四家

明代狀元朱  
姓者凡三人

妙鑿公門應似水雄姿

君馬定爲駟厚期端欲存吾道豈爲求榮有葛瓜

題戴笠垂竿圖

有序

毛子會侯遂安名士登甲乙榜筮仕得彰德司

李政聲大著丁外艱歸補黔黎平司李之任而

官已裁改汴祥符令政聲復著如曩時近借子

輦徵至京師應

御試酒間出小像示子則戴笠垂竿人也予高其意

題六絕句

嚴州自是君家郡聖世今非昔漢廷乍展丹青迷出處  
客星可似少微星

絲竿在手足風流青箬團團半掩頭莫道綠蓑衣尚冷  
長披還覺勝羊裘

走過黔陽換汗都高人到底宦情無誰知河上神明宰  
却屬烟波一釣徒

新來應詔入長安行路依然步步難馬首黃塵高十丈  
那能不憶富春灘

檣頭細雨有玄真西塞山前現後身日日風波儂不管  
桃花流水會收綸

君王應已夢飛熊莫道風雲路未通最喜畫圖裝束好

頤園詩稿

卷三十

十

壯年先作渭濱翁

已上  
已未

跋

先君中翰公別號碩園生而穎異不凡讀書過目成誦十餘歲即能爲詩制義脫去時徑未弱冠受知於交河蘇公以第一人入膠庠自後每試無不居第一名譽鵲起遠近至婁物色者戶屢恒滿先君亦時出訂交名山勝境飲酒賦詩推爲風流第一時虞山宗伯錢公謙益儼然詩文宗匠先弁公稿多爲所抨彈先君於其座間步韻賦詩錢公大加歎服而同里大司成吳公偉業尤折輩行與交庚子歲坐奏銷事爲隣邑株連被逮家以之廢明年奉

世祖遺詔得釋自是灰心進取適家印周先生視學江碩園詩稿

跋

西招先君同往無不服其鑒裁精當而蒐羅遺跡訪求名勝題詠尤多大倉十子詩刊本尚其幼年一斑也先是癸巳歲先君讀書學山園即有四科大小題之選嗣是復有文存諸選海內絃誦之士無不奉爲金科玉律先君築室三楹取淵明詩意顏曰當恕與諸門人論道講藝其中在吟轟飲達曙以爲常世遺幾盡賴吾生母錢孺人竭力供具及吾母棄世先君益鬱鬱不得志而又念生負異才淪落不偶每叔父茶庵公見過輒以濁醪共飲飲酣輒相對痛哭時

釋

高等尚在幼稚今追憶如昨也先君好學手未嘗釋

卷室喜正中南面坐四圍亂帙如山積惟留一研一

壺之隙晨起即具杯酌寒暑無間而饗殮盡廢晚歲  
性益疎嬾尤不喜干謁富貴之門吳中如撫軍慕公  
方伯方公屢以幣聘府君槩不往即書問亦未嘗見  
答也戊午春忽膺

辟召知者咸謂先君一生坎壈庶藉此少展所學而先  
君反以爲苦其書志詩有曰聞道上林多茂樹此身  
不望一枝棲寄語洛陽飛蓋客季鷹只欲醉江東等  
語皆道其實也謝牘屢上而當事者促之愈迫勉於  
九月就道明年三月朔始就

御試惟時已病喘逾月

天子念其疾篤有

頌園詩稿

跋

二

旨特授內閣中書舍人而先君已不及拜

命矣距其生天啓丁卯年僅五十有三歿後三年辛酉

秋鴻調王先生始從京邸寄先君所爲頌園詩稿底

本歸

釋高

含淚摧心讀之終帙亟命工繕寫共得詩

若干卷其第一卷至二十三卷之上乃先君手自編

定後十餘卷乃

釋高

從草稿中錄出者也先君平日

所爲古文得唐宋大家之髓中歲時即爲人竊去後

因不復作今亦竟無存者制舉文僅存歷試草一冊

亦多不全又間有借刻他姓者共較正得文四五十

首亦另書成帙惟當恕軒偶筆一書條疏見聞極備

考証先君易簣後歸於太史黃公與堅先君有知應

呵護此書俾歸家塾即不能付之梨棗亦當手書之  
以爲名山之藏也其他雜著甚多而尤長於譜曲有  
點蒼山安東閣交情見諸本今俱無存嗚呼惜哉昔  
康熙己巳孟夏四月朔男澤高百拜識於沙溪之把  
膝草廬

按當恕軒偶筆一百餘卷壬辰歲予小子自秦中  
扶先君歸歸季叔嗣宗訪得之於沙溪友人處因  
以重利啖之乃得返璧季叔即手鈔十冊并原稿  
悉歸予篋而先君與五叔父俱已不及見爲可痛  
也行將割劖以公當世會先  
刊詩稿因附識之良毅謹書

先大父碩園詩稿先叔父半厓手鈔成帙先府君珍  
藏行篋久矣壬午歲謁選都門質之吾家新城司寇  
公吳門司成孫公謀付劖劖司寇公大以爲然迨掣

碩園詩稿

跋

三

得秦西之永安邊缺司寇公祖道執手謂府君曰邊  
遠不足爲子惜所悵先公詩刻當更有待耳府君亦  
蒼茫無以應在秦署日輒爲予小子述其言言已輒  
涔涔淚下予小子謹識之不敢忘忽忽四十年所矣  
予小子抱痛終天學殖荒落青箱淪廢轉瞬就衰異  
時相見重泉懼無以對日夕疚心歲辛酉從浙右歸  
田經營府君窀穸整理先翁公專祠五載中大事粗  
舉乃復乘茲餘晷節嗇日用遊工開雕非獨公之海  
內蓋所以仰承先志也自前癸未迄康熙己未依半  
厓叔原本稍加編次彙爲三十卷統計十五萬餘言  
至大父出處本末畧見諸先達弁言不敢多綴

乾隆十二年丁卯夏至日孫良穀百拜謹識於城南  
之寶香閣下昔年七十

碩園詩稿跋

四

• 10687

